

學校志

河內縣志卷第十五

詹子固曰古之人自家至於天子之國皆有學自幼至於長
未嘗去於學之中學有詩書六藝弦歌洗爵俯仰之容升降
之節以習其心體耳目手足之舉措又有祭祀鄉社養老之
禮以習其恭讓進材論獄出兵授捷之法以習其從事師友
以解其惑勸懲以勉其進戒其不率其所以爲具如此余觀
晉河內太守魯夔使民二百家共立一學乃喟然歎曰美哉
洋洋乎盛德之舉也真知教化之本矣至唐州縣鄉皆得立
學宋聘名德重望爲之師元有儒學官之設中州文表云在
河內得里社中廟學碑凡六七蓋當時許文正公居河內鄉
人化之建廟學以事教養者遂多乃今獨有清化鎮廟學尙

存其餘皆不可考見惜哉惜哉暨明而知縣陶晟始創興廟學然則陶君之功可謂盛矣今採釋莫釋菜儀節禮法廟學之制鄉飲之禮爲學校志并述曾氏之言以爲觀法云

儒學在縣署西初未嘗立學卽縣西之安樂堂爲訓誨之地

明洪武十三年知縣陶晟斥淫祠闢其地取其材將興造文

學而去十五年知縣夏林因晟所規畫建造縣丞羅山杜琳河內縣廟學記

曰皇上卽位之十三年中國無事四海宴然欲求致治之極以安生民微吾夫子三編五常之道則無以法焉於是詔天下

鄉縣學校給印綬增廣粟丁祀春秋風扇天下河內縣學舊

陶廟貌卽縣治之西安樂堂訓誨生徒屋瓦穿漏不禦雨雪

聽戶傾圯不蔽風日士不能修官不暇理歷年因之漸成廢弛知縣姑孰陶晟下車之初慨然興嘆謂同僚曰廟貌不興

俎豆不設周旋無容進退無則何以示勸以答朝廷之意豈非吾有司之闕典歟及聞詔命欣然而喜遂訪境內淫祠無功於民者口口事之民悉毀而致於學百材既築工師將興

擬以博還京師旣而順義夏林來代其口重其志卽舊地而

爲之相其事者主簿浦城袁孟昭典史鹽城梁登經始於洪武十五年十月落成於明年八月殿廡神門講堂齋舍倉庫神厨一時俱新神主既設俎豆時陳春秋祭祀有所瞻仰一日教諭胡郁謂琳曰學校既興典師生有止上以成國志下以化民彛可謂盛事矣不有紀述曷以示將來願先生文誌之聖役也琳在贊襄之列不敢辭而爲之記云洪武甲子夏四月教諭胡郁訓導王懷德諸生王本范裕賈宣杜直張約孫善韓敬劉欽常謹張永董純甄卓朱珩劉昱尙集立石

正統九年與史宮原正德十五年知縣高傑教諭宰廷俊縣

丞蘇徵嘉靖二年知縣王濟民先後繕修完備何瑋重修縣儒學碑記曰

河內縣儒學文廟在縣治之西考碑記洪武十五年姑熟陶晟之所創建也迄今將百四十年矣棟宇不無傾頽星瓦不無凋落有司雖時加修葺而因陋就簡規制未備春秋奠獻無所瞻仰甚無以稱朝廷崇禮先師之意於是教諭宰廷俊惻然於心乃謀於知縣高傑出帑藏銀六百有奇市材鳩工委義官蕭欽督之正殿舊四楹廣爲六楹兩廡舊二十楹廣爲二十四楹戟門櫺星門皆撤而新之櫺星門皆易以石柱門內有泮池亦甃以磚石未幾傑擢刑部主事去縣丞蘇徵繼其志綜理不怠迺底於成經始於正德十四年正月落成於明年九月未幾徵亦致仕去今知縣王濟民復修拓兩齋

補其未及廟學規模視昔尤備延俊等乃來丐言以紀成績
竊准吾夫子之聖以及後世之賢皆功在萬世有司修廟致
設祀饗之禮必行於學宮之中此則朝廷深意蓋有不可不
知者英俊之士藏修游息於此期望恭謁春秋奠獻夫豈無
思乎均是人也彼胡爲而廢祀於萬世吾儕衆人胡爲而不
得預也反復以思之屢勉以求之不沮不怠則庶乎其有得
矣抑行遠自邇從祀之賢有魯齊許先生焉非河內之產乎
志其所志學其所學過則聖及則賢不及則亦不失於令名
斯於朝廷廟祀先聖先賢之深意庶不負矣不然則殿宇之
崇徒爲觀美夫 三十五年知縣胡玉璣萬歷二十年教諭周
何益之有哉

必孝訓導吳子秀李夢得二十四年知縣侯加采盧夢麟相

繼修葺蕭守身碑記曰河內懷之名邑在昔爲覃懷地我太祖廓清宇內它務弗違首命天下建學明倫其來舊

矣第鼎建雖就規制未備歷修於正德十五年嘉靖二十八

年萬歷二年秋有碑記可考嗣是風雨剝蝕日就傾圮己丑

進士侯公加采山西解州人歲庚寅奉勅書來令茲土甫下
車勤勤加惠多士令學博周子必孝輩編次書程月初親詣
學督課暇取諸生制義品題校正瑕瑜不以相掩其作與士
類甚盛心也謁先師廟四顧傾圮輒慨悒悒不樂謂卽當一

大翔而新之獨念歲罹凶歉動衆非時而止越歲辛卯郡守
詹公啟束罰瓦磚萬餘撥縣儒學收貯修葺時雖工役可舉
而又以入覲屆期匆冗無暇再越歲壬辰懷節推王公如堅
暫攝河內政鞠一二罪者擬計贖錢爲縣學修葺助適侯公
觀事畢復拜命任河內閏旬日廼慨然嘆曰學校之修固吾
夙願矧今時可舉工可興耶爰是捐俸餘及贖金鳩工掄材
詹詳而舉之擇人而董之起其頽墜塗以丹雘重建改聖祠
不踰時就緒繼而大成殿東西廡及明倫堂皆以次新焉諸
如戟門東西增闢二門則體統尊學宮左右置植欄則規
制備一旦方畧短度煥然變異疇昔侯公之績偉矣乃董其
事而經營之則西泐徐子各大烈也是役告竣邑弟子員梁
琴柱等謀勒石垂不朽徵記於余余謂明王御極建國君民
敦學爲先侯公是舉可謂知所先矣講蔬課文勤勸不倦又
足端軌物廣甄鑄悉令冬士識所嚮方豈直於民爲賢父母
耶在諸生有師道焉詣斯學入斯門登斯堂毋徒沽學章句
惟砥行茂德是務以無替先聖明訓期爲國家大任以光
熙朝則侯公作興大典庶無負哉鄉先達若栢齋河公的溪
周公次山劉公穀原婁公其道德文章迄今頌頌可謂諸士
盡効之

司理劉國縉知縣袁應泰撤南面民居爲泮池

王所用

學開路記曰縣治西偏闌闌櫛比有廟巋然者爲學宮出櫺
星門僅丈許樹屏以障衢衢不得方軌俯簷蔽宇逼近宮牆

向堪輿家一再言之而曹可曹否議且中格今歲甲辰汲郡司理劉公從觀風使者蒞茲境閱邑人文而善之謂是宜矜弼相望何至按籍而徵科名等於鱗角無亦風氣堙鬱卽人謀允臧不足致造化乎尋歷學官南望嘆曰比屋慧遷實逼處此琴瑟雜市囂而杏火共爨烟明滅尊崇之謂何且南離位離照當天萬物快睹奈何養結輻於喉端豎重閉於宇下哉乃言於邑侯袁公召居民酬以重值撤牆屋而塗之鑿類其外欄以文石南眺城堞環列如屏疊石於巖嶙岫數峯拱秀焉稍東建魁星樓映學之巽方二百餘年所未備一旦淪壑啟覆豁然大觀役旣竣侯乃進諸士而訓之日向者風氣堙鬱於象爲蒙今茲淪壑啟覆於象爲晉明出地上君子以自昭明德德之不明而梯榮獵廬是終南之徑耳多士慎托慮哉嗚呼橋觀者懲愚稱慶乃次第其事以識不忘爲歌泮水之章劉公名國緒字敬夫江西太和人袁公名應泰字太來陝西鳳翔人俱乙未進士其地長闊丈尺賢效勞是役者具詳碑陰

三十四年知縣傅宏都

教諭朱光宇訓導程希顏周萬里崇禎十一年知府傅崇中

知縣周而淳又重修俱有碑記

朝順治十四年知縣孫灝教諭馬天培康熙三十二年知

縣李樞三十八年知縣張起宗教諭李霖訓導杭冠世焦杖
縣丞王玉義民常立正皆重修雍正元年建忠義節孝祠於
學宮乾隆十年知縣胡睿榕修一十三年大成殿圯知縣許
本異教諭王曰信訓導張力員邑紳士同捐修工未竟二十
五年知縣李如龍落成之二十六年沁河水溢灌城學宮被
淹三十年如龍又修之訓導寶玉瑤清理明倫堂修建訓導
宅嘉慶六年知縣劉元吉紳士成七政等重修并置禮樂器

劉元吉記曰乾隆辛巳歲沁河水漲侵灌城垣文廟亦幾
於湮沒紳士等捐貲購料加以修葺然僅及大殿兩廡而
止餘仍其舊又閱數十年風雨飄搖益就傾圮余接收前任
交代有充公罰項一欸得四百餘金卽徵召工匠購備材木
廢者修之腐者易之缺者增之凡頭門戟門大殿兩廡啟聖
宮明倫堂旁及於名宦鄉賢忠義節孝諸祠無不煥然改觀
他如門勝匾額祭器樂器之屬亦大備興於辛酉春二月竣
於夏四月計所費不貲而鼓舞輸金勦盛舉者邑紳士亦與

有力
云

大成殿五間中恭懸康熙二十五年

御書萬世師表額雍正三年

御書生民未有額恭懸兩楹間前楣中恭懸乾隆三年

御書與天地參額其左恭懸嘉慶三年

御書聖集大成額其右恭懸道光三年

御書聖協時中額殿左右側門各一殿前爲丹墀墀前爲庭
庭中碑二恭勒康熙二十五年

御製孔子贊四子贊庭左右東西廡各七間前爲大成門三

間門左右側門各一側門左右更衣廳各三間與門皆南向

門外道道左爲各宦祠碑亭各三間右爲鄉賢祠忠烈祠各

三間東西向前爲櫺星門三間自殿左右側門屬之櫺星門
繚以周垣爲宮墻櫺星門外坊門二左額曰德配天地右額
曰道冠古今屬櫺星門爲垣以障通衢泮池在通衢之南
崇聖祠三間門一間繚以垣在大成殿東北與明倫堂並明
倫堂五間在大成殿後其北壁之左勒

欽顏訓飭士子文碑右勒敬一箴碑其左右壁勒程子視聽
言動四箴碑歷科題名碑張鍾帖三石堂後爲訓導宅教諭
宅在宮墻之東儒學大門在櫺星門側由大門而入直達於
北爲小池皆學基地也

大成殿南面

至聖先師孔子神位

羊高伏勝董仲舒后蒼杜子春諸葛亮王通范仲淹歐陽修
楊時羅從彥李侗呂祖謙蔡沈陳淳魏了翁王柏趙復許謙
吳澄胡居仁王守仁羅欽順劉宗周

西廡先賢林放處不齊公治長公哲哀

一名八哲
家語作克

高柴樊須

商澤巫馬施顏辛

通典作柳咸淳
臨安志作韋

曹卹公孫龍秦商顏高史記

今本家語作刻

壤駟赤石作蜀公夏首后處

今本家語
誤石處奚

容蔽顏祖一名相

甸井疆秦祖縣成公祖甸茲燕一作樂欬

或作欣

狄黑孔忠

或作弗

公西葳顏之僕施之常申棖左邱明秦

冉牧皮公都子公孫丑張載程頤先儒穀梁赤高堂生孔安

國毛萇鄭康成范甯韓愈胡瑗司馬光尹焞胡安國張栻陸

九淵黃幹真德秀何基陳澧金履祥許衡薛瑄陳獻章蔡清

湯斌陸隴其

兩應備文選所載于八年部頒依史傳按年序次府志云按朱斐尊孔門弟子考序列長幼旁采羣書弟

子自兩廡而外尚有薛邦彥徒父申續申棠公伯寮廉瑀
孺悲公罔之喪序黜仲孫何忌仲孫閱孔璇惠叔蘭常季子
服何賓牟賈鞠語顏涿聚十八人門人自縣廩公羊高穀梁
赤而外尚有成回野臂子弓橋庇子庸魏文侯郟段干木田
無擇高行子曾申樂正子春檀弓沈猶行陽膚公明高公明
宣單居離公明儀子襄公孫尼子世碩景子王史氏季克芊
嬰公孫段公休哀公祈哀益威括二十七人茲於配祀之典
遵通志以崇功令至洙泗淵源羣籍具在亦承學之士
所宜究心也

崇聖祠南面

肇聖王木金父

裕聖王祈父

詒聖王防叔

昌聖王伯夏

啓聖王叔梁紇

兩配先賢顏氏無繇

家語少無字繇作由

先賢孔氏鯉西面先賢曾氏

點一作

先賢孟氏激東面

東廡先儒周氏輔成先儒程氏珦先儒蔡氏元定

西廡先儒張氏廸先儒朱氏松

按明洪武初國學奉孔子木主以仲春秋上丁日遣官

致祭至十五年始詔天下儒學通祀孔子期如國學先期齋戒省牲嘉靖九年詔直省府州縣盡易孔子塑像爲木主大成至聖文宣王改稱至聖先師孔子四配充國公邠國公沂國公鄒國公改稱復聖顏子宗聖曾子述聖子思子亞聖孟子十哲閔子顛孫子稱先賢

國朝因之其東廡舊有四十九位

澹臺熾明至左邱明西廡

舊有四十八位處不齊至顏增俱稱先賢康熙二十五年奉

旨進宋儒周敦頤程顥張載程頤邵雍朱熹並稱先賢公羊

高至薛瑄穀梁赤至胡居仁俱稱先儒顏無繇曾點孔鯉改

入啟聖祠申黨卽申棧去黨存棧蘧瑗林放鄭康成鄭衆盧

植服虔范甯吳澄改祀於其鄉顏何公伯寮秦冉荀况戴聖

劉向賈逵馬融何休王弼王肅杜預俱點二十九年巡撫關

興邦題准設仿舞生六十四人禮部頒教樂器制圓禮樂
興四十六年

欽頒訓飭士子文四十九年奉
旨武職與祭五十二年奉

旨以宋儒范仲淹從祀五十四年遷東廡先賢朱子熹配享
十哲之次雍正二年奉

旨附饗廟庭諸賢復祀者六人林放蕩瑗秦冉顏何鄭康成
范甯增祀者二十人縣賈牧皮樂正子公都子萬章公孫丑

諸葛亮尹焯魏了翁黃幹陳淳何基王栢趙復金履祥許謙
陳澔羅欽順蔡清陸隴其乾隆二年奉

旨元儒吳澄復祀廟庭三年遷東廡先賢有子若配享十哲
之次道光元年奉

旨湯斌從祀道光二年奉
旨劉宗周從祀

崇聖祠始於明嘉靖九年詔天下學宮營建啟聖公祠祀叔
梁紇以先賢顏無繇曾點孔鯉孟孫氏配享先儒程珦朱松

蔡元定從祀萬歷二十三年又以周輔成從祀
國朝雍正二年以張勉從祀三年奉

旨追對孔子五代肇聖王木金父裕聖王祈父詒聖王防叔
昌聖王伯夏成聖王叔梁紇設位祠內改啟聖曰崇聖每歲

春秋於祀先師日先一刻行
禮諸儀節視先師樂用鼓吹

會典直省府州縣歲以春秋仲月上丁祭

先師於類宮會城以督撫學政將事司道府縣分獻學政巡
試屬郡及道員之分駐各府者卽於其地將事以府州縣分
獻餘以正印官將事佐貳分獻監禮以師儒贊引執事以生
員中和韶樂羽籥之舞及牲登鉶簋簋邊豆尊爵之數將事
之儀均如

太學丁祭禮典儀先祭一日樂舞設於

大成殿外階上分左右懸至日五更正獻官入廟至更衣所
少憩贊引生請行禮正獻官出次盥洗贊引生導正獻官由
旁階自殿左門入至拜位前北嚮立贊引生引分獻官至階
下左右序立均北面典禮生贊樂舞生登歌執事官各供廼

禮記卷之五十五
職文舞六佾進贊引生唱贊位正獻官執拜位立迺迎

神司香生奉香盤進司爵生奉爵迎

神樂奏昭平之章贊引生唱贊上香位導正獻官詣

先師香案前立司香生進香贊引生唱上香正獻官立上柱
香次三上辯香唱復位正獻官復位唱跪拜興正獻官行三
跪九叩禮奠帛行初獻禮司帛生奉篚司爵生奉爵進奏宣
平之章舞羽籥之舞司帛生詣

先師位前跪獻三叩司爵生詣

先師位前立獻奠正中皆退分獻官各詣四配十二哲兩廡
先賢先儒位前上香奠獻如儀司祝至祝案前跪三叩奉祝
版跪案左樂暫止正獻官跪分獻官皆跪司祝讀祝畢詣

先師位前跪安於案三叩退樂作正獻官行三拜禮興行亞獻禮奏秩平之章舞同初獻司爵生詣

先師位前獻爵奠於左儀如初獻行終獻禮奏敘平之章舞同亞獻司爵生詣

先師位前獻爵奠於右儀如亞獻分獻官以次畢獻均如初樂止文德之舞退乃徹饌奏懿平之章徹饌畢送

神奏德平之章正獻官行三跪九拜禮有司奉祝次帛次饌次香送燎所正獻官轉立拜位旁西嚮候祝帛過復位樂作祝帛燎半唱禮成導正獻官由殿左門出先是正獻官至更衣所時贊禮生引

崇聖祠承祭官入過左門盥洗畢引詣殿階下正中典儀贊

執事生各供廼職贊引生贊轉位引承祭官就拜位立廼迎
神司香奉香盤進贊引生贊就上香位引承祭官升東階由
殿左門入詣

肇聖王香案前立司香跪奉香贊引生唱跪承祭官跪一叩
贊上香承祭官上柱香次三上瓣香一叩與以次詣

裕聖王

詒聖王

昌聖王

啓聖王位前上香儀同唱復位引承祭官退至殿左門立贊
引唱承祭官詣四配位兩廡從祀位前上香如儀復位贊引
唱跪叩興承祭官行三跪九叩禮畢奠帛行初獻禮執事生

各奉篚執爵進承祭官入殿左門詣

神位前跪一叩司帛跪奉篚承祭官受篚拱舉奠於案司爵跪奉爵承祭官受爵拱舉奠於正中一叩興以次奠獻畢司祝至祝案前三叩奉祝版跪案左承祭官詣讀祝位前跪司祝讀祝畢詣正中

神位前跪安於案三叩退承祭官行三叩禮畢仍由殿左門出復位四配兩廡奠帛獻爵各如儀復位次亞獻奠爵於左次終獻奠爵於右四配兩廡畢獻儀均與初獻同徹僎送

神承祭官行三跪九叩禮執事生奉祝次帛次僎次香送燎所承祭官避立西旁東面俟祝帛過復位引詣望燎位望燎引承祭官退

舊樂章

迎神奏咸平之章無舞曰大哉孔子道德尊崇維持王化斯民是宗典祀有常精純益隆神其來格於昭聖容

初獻奏寧平之章舞應之曰自生民來誰底其盛維師神明度越前聖粢帛具成禮容斯稱黍稷非馨惟神之聽

亞獻奏安平之章舞應之曰大哉聖師實天生德作樂以崇時祭無斁清酏惟馨嘉牲孔碩薦羞神明庶幾昭格

終獻奏景平之章舞應之曰百王宗師生民物軌瞻之洋洋神其寧止酌彼金罍惟清且旨登獻終三於嘻成禮

徹饌奏咸平之章無舞曰犧象在前豆籩在列以享以薦既芬既潔禮成樂備人和神悅祭則受福率遵無越

送神望燎奏咸平之章無舞曰有嚴學宮四方來崇恪恭祀
事威儀誰誰歆格惟馨神馭還復明禋斯畢咸膺百福

乾隆八年奉

旨頒發各府州縣學樂章

迎神奏咸平之章無舞

五十二年更定
篇名曰昭平

大哉孔子先覺先知與天地參萬世之師祥徵麟級韻答金
絲日月既揭乾坤清夷

初獻奏寧平之章有舞

更定篇名
曰宣平

予懷明德玉振金聲生民未有展也大成俎豆千古春秋上
丁清酒既載其香始升

亞獻奏安平之章有舞

更定篇名
曰秩平

式禮莫愆升堂再獻舞樂鼓鐘歌子罍廡肅肅雍雍譽髦斯
彥禮陶樂淑相觀而善

終獻奏景平之章有舞

更定篇名
曰敘平

自古在昔先民有作皮弁祭業於論思樂惟天牖民惟聖時
若彛倫攸敘至今木鐸

徹饌奏咸平之章有舞

更定篇名
曰藹平

先師有言祭則受福四海贊官疇敢不肅禮成告徹毋疏毋
瀆樂所自生中原有菽

送神奏咸平之章無舞

更定篇名
曰德平

鳧繹我洩洩泗洋洋景行行止流澤無疆聿昭祀事祀事孔
明化我蒸民育我膠庠

舞詩

凡舞兩佾生自架上取節導諸生六十四人魚貫而進每行
八人向北列行於陛上東西持節生立舞生行首東西向如
初獻堂上麾生唱樂奏寧平之章東階節生亦揚節唱曰獻
寧平之舞三獻皆同舞畢西階節生揚節唱曰舞止遂植節
架上舞生魚貫東西下

初獻

自生民來誰底其盛惟師神明度越前聖絜帛具盛禮容斯
稱黍稷非馨惟神之聽

亞獻

大哉聖師實天生德作樂以崇時祀無斁清酤惟馨嘉牲孔

碩薦羞神明庶幾昭格

三獻

百王宗師生民物軌瞻之洋洋神其寧止酌彼金罍惟清且

旨登獻惟三於嘻成禮

謹按乾隆八年樂譜頒行天下府州縣學五十二

年御製丁祭樂章

年更定樂章篇各

御製蕭譜笙譜笛譜頌下府州縣學校官職司其事樂舞生專志肄業俱已曉然於樂律之意職有司存譜不具載

文廟祭文 乾隆九年頒發

惟先師德隆千聖道冠百王揭日月以常行曰生民所未有

屬文教昌明之會正禮和樂節之時辟雍道成恪薦馨於

香泮水膠庠益致嚴於籩豆茲當

春秋仲夏

聿將祀典尙饗

孔子先代五王祭文

惟王奕葉鍾祥光開聖緒盛德之後積久彌昌凡聲教所覃
敷率循源而溯本宜肅明禋之典用申守土之忱茲屆仲春
聿修祀事尙饗按續通志云乾隆二十五年巡撫胡寶瑒通
聖廟典史
不得代祭

丁祭陳設圖

左

白餅

黑餅

燭

榛

菱

芡

鹿脯左邊

鹽

藁魚

棗

栗

羊俎

燭

爵

和羹

餹

黍

稻盤

太羹登
中

牛香案祝文帛

爵

和羹 鋤稷

梁 簋

韭菹

醯醢

菁菹

鹿醢

豕 俎

燭

爵

芹菹

兔醢

荀菹

魚醢 右豆

右 胛折

豚 扣

燭

酒尊

羊 俎

左 榛

菱

芡

鹿脯 左邊

鹽

藁魚

棗

栗

燭

和羹 鋤

黍 簋

稻 簋

配 中

和羹 鋤

稷 簋

梁 簋

帛香案

爵

爵

韭菹

醯醢

菁菹

鹿醢

燭

右 芹菹 兔醢 筍菹 魚醢 右豆

豕俎

左

栗 鹿脯 左邊

羊俎

鹽 棗

燭

黍 簠

爵

哲位中和羹 銅

帛香案

爵

稻 簋

爵

菁菹 鹿醢

燭

芹菹 兔醢 右豆

豕俎

右

燭 羊 俎

左 榛

藁 芡

鹿脯左邊

鹽

棗魚 棗

栗

燭

和羹 餹黍 簋

稻 簋

爵

祭 聖位中

帛香案祝文

爵

和羹 餹稷 簋

梁 簋

爵

韭菹

醯醢

菁菹

鹿醢

燭

右 芹菹

兔醢

荀菹

魚醢右豆

燭 豕 俎

栗

鹿脯左邊

鹽 棗

黍

燭

爵

配中

帛豕香案

爵

稻

燭

爵

菁菹 鹿醢

芹菹 兔醢 右豆

烹調法 附

太羹

白煮牛肉湯不用和和羹 用豕肉湯和以肉黍稷稻粱 皆洗淨熟蒸乾飯

鹿脯

用香料酒醬調和煮熟兔鹿魚醢 皆切細片白餅黑餅 每遵煮三十六方塊

用黑白鴨折每十五個脾折 用牛百葉豚拍 即豚肘切片

切片煮熟以上和菁芹韭筍四菹

洗淨各切長寸微醢 不可熟

樂舞陳列圖

二十二 簋三十八 簋三十八 邊一百二十二 豆一百二十一 牲俎二十七 帛篚二十一 盤四 祭器圖

樂器

編鐘十六 編磬十六 琴二 瑟二 簫二 笛二 排簫二 笙二 塤二 篪二 大鼓一 大鐘一 搏拊鼓二 祝一 敔一 麾二 節二 翟三十六 籥三十六 羽三十六 樂器圖一

舊志祭器樂器數附大銅爵四十四中銅爵九十六簋五簋五雲雷尊一登一篚二鉶二十俎八籩二百零四豆四百零十祝版一象尊一犧尊一盥盆六金鐘十六玉磬十

六琴二瑟二排簫一簫一笛二篪二埙一笙二搏拊鼓一
楹鼓一祝一敔一麾一引節一籥三十六翟三十六並
雉尾一百零八

樂舞生歌童樂生執麾引節舞生共額數六十四人

學宮書籍

自乾隆二十六年大水漂失未經補購今據儒學
交代冊錄之

士諭一部

上諭滿漢二本

無

御纂資治通鑑綱目三編一部

無

御批資治通鑑綱目一部

無

御纂周易折衷二部

今存一部

御纂詩經二部

今存一部

御纂書經二部

今存一部

御纂春秋二部

今存一部

欽定科場條例五本

無

續增科場條例四本

無

平定清海碑文一

平定金川碑文一

御製平定回部告成碑文一 性理一部 明史一部

大清律例一部 學政全書二部

今存一部

駁呂留良四書講

義一部

無

大清律纂修條例一部 彙刻條例二本

學額廩生缺二十名增生缺二十名額進二十名二年一貢

學田二頃七十三畝三分

府志云河內縣學地四頃零與府學同置均勒石明倫堂爲吏所侵

沒乾隆二十五年知府沈榮昌飭勘清釐還學

鄉飲酒禮

每歲正月望十月朔舉行前一日執事者於儒學之講堂依圖陳設坐次司正率執事習禮至日黎明執事者宰牲具饌主席及僚屬先詣學遣人速賓僎以下比至執事者先報曰賓至主席率僚屬出迎於庠門之外揖入主居東賓居西三讓三揖而後升堂東西相向立贊兩拜賓坐執事者又報曰僎至主席又率僚屬出迎揖讓升堂拜坐如前儀賓僎介至既就位執事者唱司正揚觶執事者引司正由西階升詣堂中北面立執事者唱賓僎以下皆立唱揖司正揖賓僎以下皆揖執事者以解酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼

相勸勉爲臣盡忠爲子盡孝長幼有序兄弟恭內睦宗族
外和鄉里無或廢墜以忝所生讀畢執事者唱司正飲酒飲
畢以觶授執事執事者唱揖司正揖賓僎以下皆揖司正復
位賓僎以下皆坐唱讀律令執事者舉律令案於堂之中贊
禮引讀律令者詣案前北面立唱賓僎以下皆立行揖禮如
前讀畢復位執事者唱供饌案執事者舉饌案至賓前次僎
次介次主三賓以下各以次舉訖執事者唱獻賓主起席北
面立執事斟酒以授主主受爵詣賓前置於席稍退贊兩拜
賓答拜訖執事又斟酒以授主主受爵詣僎前置於席交拜
如前儀畢主退復位執事者唱賓酬酒賓起僎從之執事者
斟酒授賓賓受爵詣主前置於席稍退贊兩拜賓僎主交拜

訖各就位坐執事分左右立介三賓衆賓以下以次斟酒於
席訖執事者唱飲酒或三行或五行供湯又唱斟酒飲酒供
湯三品畢執事者唱徹饌候徹饌案訖唱賓僕以下皆行禮
僕主僚屬居東賓介三賓衆賓居西贊兩拜訖唱送賓以次
下堂分東西行仍三揖出庠門而退凡鄉飲酒禮所以序長
幼崇賢良別姦頑也齒德俱優者居上高年者次之以次序
齒而坐作姦犯科者不與與者以違制論其有誼譁失禮者
揚觶者以禮責之縣令主位東南大賓以致仕官爲之位西
北僕擇鄉里齒德並茂之人位於東北介以次長位於西南
三賓以賓之次者爲之位於賓主介僕之後除賓僕外衆賓
序齒列坐其僚屬則序爵司正以教職爲之主揚觶以罰贊

禮者以老成生員爲之

御製補笙詩

工歌南陔三章二章章六句一章八句

我遊南陔言陟其岵昔我行役瞻望有父欲養無由風木何
補 我遊南陔言陟其岵今我行役瞻望有母母也倚廬歸
則寧止 南陔有筍籜實勺之孱孱核提孰噢咻之慎爾溫
清潔爾肯肴今爾不樂日月其慆

工歌白華四章章六句

有白者華不污纖塵咨爾士兮宜修其身不修其身乃貽羞
於二人 有白者華婉茲靜好咨爾女兮宜修婦道不修婦
道乃貽羞於二老 白華匪玉豈而不韜白華匪蘭芬乃勝

澗松童童蛙黽隣兮邱草萋萋蕩青雲兮凡百君子慎乃託
身兮 澗松童童澗則卑兮邱草萋萋邱則崎兮凡百君子
審乃所依兮 有崇者邱物無不遂有尊者道愚無不智資
生有德永植無替

工歌由儀四章二章章四句二章章二句

在上曰天在下曰地君君臣臣父父子子 在下曰地在上
曰天父父子子君君臣臣 由其儀矣物則熙矣 儀其由
矣物則休矣

營建志

河內縣志卷第十六

廬井初列周衛是營繚以嚴墉遏以巨澮而后圓顛奠生方
邑久峙故首記城郭附以鄉閭垣牆之舊位以建政署以表
位瞻朱穆而惠化興繪陳紀而景行式屬事創修所宜詳也
克受豐和必祇享祀陳留里社遂祚公侯鍾山靈神佐其甲
仗一同之內百祠具焉環術九達亭臯千里蔭榆柳於廣衢
集杠榭於通涉遞舍旣備津梁時成於是啟儒肆納良逸則
有書院義學之區哺孤獨掩樵齒則有養濟漏澤之地通雖
不斂忝宰斯邦入其境而疇諮登於庭而思懼興廢舉墜非
曰能之敬民事神弗違自逸至於巡視隄防道達溝瀆歲時
之役罔敢不勤乃考舊迹綴以殊聞作營建志一篇庶使瓶

置之始末有所取證云爾

城池

河內縣懷慶府附郭邑城卽古野王城元至正二十年重建
明洪武元年重築設懷慶衛守之周圍九里一百四十八步
高三丈五尺廣二丈池深二丈五尺濶五丈角樓四敵臺六
警鋪三十九成化正德間知府倪公容周公舉重修崇禎十
四年知縣王漢重修增高五尺外濶三尺易四門樓以磚東
門樓曰朝曦西曰萬成南曰朔南北曰拱極

國朝順治十二年知縣孫灝修康熙十七年知府劉公繼世
重修四門樓綠濠栽柳數百株時靈雨傾塌西面城牆十餘
丈知縣李樞重修雍正七年知縣戴衛修葺乾隆六年知縣

胡睿榕增栽楊樹數百株二十二年秋霖北城塌知府薩寧
阿公檄縣重修二十六年秋沁水決沖場四面城牆二百八
十二丈五尺知府沈公榮昌知縣李如龍重修次年夏竣工
顧祖禹讀史方輿紀要曰野王城今縣治城周九里有奇

有門四

王鐸修城記曰崇禎十四年懷慶府河內縣城成是城也
周十餘里增高一丈池之鑿深五之而四隅則樓之樓外
郭則郭之葺城上周廬乃輦飛衝槽雉堞言言壑下峻上
涼彼湯壕潏潏漾漾日偵夜殫擊檠相間詰察攸謹姦宄
無牙外寇不闕是城之爲也力陳職受從民之欲篤懲從
事盡敏於四肢請於大吏始庚辰冬月底辛巳夏月告厥
成費十餘萬緡城既修人是用擇特以爲命厥維河內尹
王公始終之也先是公登城眺隍甲者墳堅者鬱矣汗萊
弗治牛羊曠踐問大夫士民曰茲無他家心未集勤算事
不重本根城不樹焉故耳曩年寇清化鎮壘蠻先入之以
賈蠱相首尾血垣屍填井隴且陷修武夷之而疾藜生斯
邾鄆之耻也嗣是干言以北地鄂以南無有錄王師以務

烈所土人與寇煽數千里皆虎狼皇帝下詔繕兵固城以防刻雕有司憲憲疇城之是爲王公愀然歎曰噫城體性也由首領至毛脈手搦大制小所以變而罔勤今至鬻缺喫踐斯曰無城無城何人無人何兵吾何愛四肢不畢爲敏耶於是延鄉紳諷青衿諸耆耆僉曰是城之爲也浩公曰浩則節之曰是誠之爲也勞公曰勞則矜之曰是城之爲也曠公曰曠則邁之警天咫以芻民則吾自除民蠱慝而已何懼陳蔡不美之譏乎乃大石甃焉細石灰焉口賦匪濫工由芻饋趨事者贏縮疾舒咸有經紀不行邁謀塞其漁牟以始以終不拂民欲至於財傷期怠也凡修之材礪鍛輒至木竹檣蒸膠角物采靡有攸匱所謂篤慤從事設險守謚公非始終之敷矧覃懷爲邯鄲上黨河雒毋野之喉南北一都會哉士衍精急輕爲僕伎號爲難后數年燥寇千餘里人截笏割父子夫妻相瞰府庫倉廩醜車甲羽及裂敵鉅寇自楚薄温雜選噉十六城二三藩封剗以絃戮爲驩所發多潰無地非虎狼豈獨却郟之耻耶公城繫若此且平時環甲當鐵石擣諸巖谷寇如批蝨然是故撤朽劍使益鐵擴墟登陘陘遙修有俶醜噫濯濯無有殿屎堅屹淵鬱近時遠瞻旆榮鎧茨與形山沁浦虹偃霞流民有安宅尚有那居非衆心集根本重能窳究不牙外寇不闕如是乎物憲萌端無所叨憤可謂不能於衆矣神吟者善登而樂之曰興木焉斯成也味且丕類義人

所依不則懷何賴之有今虎狼在野不敢噬螫野王公實生我其庸豈鬱寓中爲政者回於無城一二城偷期耗財不勤始終畚鍤畧舉中輟貽地方憂欲一旦之命倖寇之不吞刺難矣茶苦芟畧無可孰何至勤皇帝問舉師官軍議午奚以耀吾備故公鞏城也非但有懷也厚其勞獲有休息顛木有藁天其永命是城之綏不知勞矣邁其曠戴其項頌室家有感允若顛懷是城之收不知曠矣節其浩濟無臭載屏我南北不餓卒疇是城之濟不知浩矣公微笑猶退不尻德焉王子棲懷從大夫後興曰寓中爲政者皆克如王公於懷歟古人言維城曰無獨斯畏往城于方曰車彭鈞援然則篤慈以作事集心成城人心本根也子輿曰不如人和智順皆豫備外嚴內輯衆心協一守戰擊焯罔不攸濟卽串夷之喙且可以折之况不逞之寇何至憂之媼耶夫一城也集人心而金城于楫在茲倘司牧皆如懷城爲王公之爲推廣其受職陳力咸有千百年之利皇帝可垂裳無愁而理璋弓鼓俱可偃臥矣於乎是城也寧第爲懷而已也藩紳衿氓勸捐璆碑陰王公諱漢掖縣人進士他政駁且紀其修城一事已如此

清化鎮城明推官潘棠築萬厯間知縣盧夢麟重築崇禎間知縣楊調鼎重修

柏香鎮舊有城崇禎時鄉宦楊嗣脩修築名曰善建城

王鐸劄築柏香善建城碑記曰柏香東距懷慶三十五里西距濟源三十五里居民養牧其內葢堡聚云比隣山水其地盤鬱青蒼蜿蟺土瀆氣厚祖宗休息以來農桑老壽百姓不見兵革之禍保其性命家熙樂業生齒繁者什八初世廟時警突於燕民稍壞之久而嚙焉崇禎十年丁丑之秋寇數萬遙食我清化番修武彌及柏香三周殺人如草鹵獲無算百姓荒忽景駭響震連遭蹇連不知攸處中丞景歐陽公乘柏香人謀之曰以吾數世占數於斯土也茹土毛門階戶席皆親風也老有終幼有長恒享太平之福而今不能矣羽檄亂金鑊鳴長戟勁弩在前我輩恐食不能存口熬熬脂火不此之城何時城歟斯旦夕之墊而殛生之判也鄉人咸流涕而俯語曰我輩小人不足以知大事然老幼性命繫我獨輕惜小費一豈不可媮况保及苗裔乎中丞言詰我能城無論小寇卽大警能踰枋口一步而快心於西鄙哉中丞曰有是夫鄉親戚之達也於是賦出有等公出者獨豐餘醪若干緡城土埤軌櫛鬢以燭畚拘憑憑肇敷匪棘巖巖峙上猶其四隅巨壑巨墊乞乞崇墉戎器克威鼓鐸偵仿絕忽可勝八閩戶城旣巋壁敵樓翼麗老幼咸來喜茲成功咸拜中丞曰斯皆也始可免權兵革之禍矣始河保性命之安矣

佗鄉梅路彼鞠凶乎微中丞公不及此公平日竊周口食
羨學陶子弟活龜臺我輩得戴頭而遊熙業阡陌者誰歟
仍物鬼誣不如中丞之庇迺有攸處自茲朝廷享德年之
景鍊君子是媚外攘內安風雨節五穀稷四方有紀綱天
下肆請而無渫血履骨之事老壽無害不康居此城子子
孫孫以之受太平之祉哉雖然微中丞公不及此初天子
命如蠶得築埤入保公請大吏名曰善建城嗟夫楊公之
德遠矣公生柏香蛟螭青蒼之氣發祥有韓古之人城清
城謝城韓勤墉復隍春秋書築城無非欲休息一世以免
於人患也公耦於政繇於則費省功倍本末經紀以生羣
魂鑠不苟傷刃不妄加大用嚴禁宅藉門觀蜚遠亦有所
畏所關世道匪細也繇斯言之農桑老壽各保其性命不
其然乎柏香著艾來求予銘公諱嗣脩字景歐丁未進士
銘曰世運密衍笄陂笠平偶遭阨會又發丕亨僅流隸
么膺既生姦徒秦晉遊臬是丁瘡仆姦駭躡遠踰人哭
鬼怒癩地靡寧日月嬾熒飛塵無頑柏香父老不遑墾耕
匪謨曷拯匪猷曷與楊公有藏罔聽罔驚山屹排議劍起
干城以防內巽閣閣飛聲曰斯宜義捐貲充眾乃不恪
不煩於征靈量以鼓綽約以從石相燧權陸壘克營崐崘
其版困森池玄激勸有序僉曰崑崙人菴險恃驍心熊能
皇肅厥壁皇燦厥庭屹然金湯男女攸應大小畢賀不憊
於容便嬌嬰局歌舞扣鈺公復饒饒肉孤生窮嶽焉人意

樂業無刑逆厥不怖寇氛自戩地可斷尾虎不入宮載經
載村載篋載清音賦畝并肥在烟謔彼壘獲樹籬茂菁
何秀匪逸何築匪功元雖非善存慶賴墟河洛板蕩就窺
汴京疇劍此吉允保鋒凶聖者勳野狂楚不萌厥膚斯永
黔黨令勳佐佑其昌嘉氣日暮小已民言楊公粹名敘其
光華尙克慎承碎礪律人勳和衷亂愈慨掃噉粟數明
城存斯存愚神曰氓鴻容野王
訪心斯繩億萬季閩茲石縣徵

碗子城在縣北太行山其路皆羊腸百折中有平地僅一畝
許唐初築城垣以控懷慶澤州之衝其城圓而小故名今廢
邗城今爲邗臺村水經注邗城當太行山南路道出其中舊
有上黨關

公署

知府署在城內中街相傳爲元總管府明洪武三年改建修
葺無考

國朝順治五年知府張公道澤修康熙十九年龔公其裕重修五十五年方公願瑛修乾隆二年任公應烈修二十六年沈公榮昌捐俸重葺

總鎮府在府署西舊爲察院及河北道署

游擊署在府署東

都司署在府署東

守備署一在府署西南一在府署東北

府經歷司署在府署內東南偶康熙五十六年經歷鍾呂修建嘉慶十六年經歷甘露重修東花廳道光四年經歷張會霈重修

府儒學在縣署東

知縣署在城東南大門三間馬快班房三間步快班房三間
二門三間東皂班房三間西皂班房三間東西皂棚六間科
房二十四間大堂五間東西庫房二間東西門房六間東西
簽押房六間二堂五間東花廳三間西花廳五間三堂五間
東西耳房六間四堂五間東西耳房六間廚房五間書房二
十四間明洪武二年建嘉靖二十四年重修

國朝乾隆十九年知縣陳史二十二年知縣許本巽相繼修
乾隆四十二年知縣積善詳請修理四十八年知縣吳綱詳
請修理五十三年知縣吳綱復修嘉慶十年知縣熊象階詳
修衙署並監獄倉廩養濟院等處十五年知縣嚴浩修

縣丞署在縣署大堂東首乾隆二十年縣丞席苞修

教諭署係舊訓導署所改在縣署東

訓導署在教諭署西

典史署在縣署二門內東側

學院試館在縣署東本按察分司署宏治十七年知府徐公以貞建

國朝康熙五十五年知府方公願瑛捐置器物乾隆二十五年知府沈公榮昌率屬捐修二十六年大水沖塌堂舍率屬公捐重修

舊河北道署在察院西後併入總鎮府

軍廳署舊在府署內今廢

通判署舊在署西乾隆二十六年被水通判薩公廉修二十

九年移駐清化鎮

主簿署舊在縣署堂西後缺裁

各院行館在府署正東

祠廟

社稷壇在城西二里

風雲雷雨山川壇在城南二里

先農壇在城南

厲壇在城北

府文廟在府東南察院街元至元六年懷孟路總管楊修明
洪武六年知府王公興宗創建正統十二年知府高公奉修
正德二年知府徐公以貞重葺嘉靖四十二年知府孟公重

建啟聖祠敬一亭崇禎十四年河內縣知縣王漢重修
國朝順治十六年知府彭公清典修康熙三十二年知府龔
公其裕重修乾隆二十三年知府薩寧阿公創修未竣二十
五年知府沈公榮昌捐俸修葺四十七年知府王公嵩桂蔣
公果相繼修

縣文廟在縣署西詳學校志

清化鎮文廟有元至順二年碑見中州金石考明時重修

關帝廟一在城西北街中有鄭藩所鑄大鐘鑄年天啟想卽
爾時所建廟供石像關帝傳爲大水漂至祈雨輒有應土人
稱爲水關帝乾隆戊申自春迄夏不雨巡撫畢公沅行部衛
輝委官迎請設壇之次日卽大雨廣沛秋禾始植遂以帝之

靈應入

奏奉

旨重修廟宇

御書沛霖孚佑匾額一在府城東巖正元年乾隆二十五年
先後追封崇祀一在南岳村元大德十年修

三皇廟在城北街

帝堯廟在城北三十里坦掌村宋紹聖二年建

成湯廟一在城東北街一在張武村宋慶歷六年修一在許

良鎮宋宣和七年建金天會十四年修元至元二十二年修

一在萬安南鄉東馬聚元泰寧四年修一在沁陽村元至元

十七年修一在水北關

大禹廟在城東北街

府城隍廟在縣署北

縣城隍廟在縣署東南

龍神廟在縣城西北雍正五年奉

旨京師裝塑神像各省遣官迎請崇祀

迴龍廟在縣城北沁河堤上俗稱天師廟以內有張真人指

水迴瀾像也順治五年河內令于雲石重修以祀河神乾隆

三年奉禮部題准

勅封黃大王案內沿河祠廟奉祀二十六年圯於水知府沈

公榮昌重建

火神廟在縣署北

東嶽廟在城東創建無考金時有重修碑明天順嘉靖萬歷間疊修

文昌宮舊在城東嘉慶十三年知府張公翽知縣鍾崇保於覃懷書院內創建大殿供祀

文昌神位春秋祭享

旗壽廟在府署北

八蜡廟在城東劉猛將軍祠附

濟瀆廟在城西郭

淮瀆廟在城北十里西張店

晏公廟在城西

孫真人廟在城北三十里太行山

李將軍廟元時建

昭烈關張祠在清化鎮元至正三年創建

名宦祠 鄉賢祠俱在府縣二學宮內

忠義祠在縣學宮內

節孝祠在府學宮東

孝子祠在縣署西祀漢郭巨丁蘭宋紹興二年建明洪武正統成化萬歷間疊修

寇公祠在府署南祀漢河內太守寇恂舊在北郭明季圯於水天啟六年知府石維嶽遷建

國朝康熙三十八年知府崔公徵壁修

韓文公祠在縣署西正德間府推官潘棠改他祠爲之萬歷

十七年守道李化龍修葺

府君廟在清化鎮金天會中修明正德中重修

五公祠在城南祀明知府王德明劉應節紀誠同知夏易推

官劉如龍

包公祠在東門內祀宋包拯蕭公

二程夫子祠在縣署東順治八年十九世孫程毓靈創建程

圭璋重修道光元年知縣袁通詳請列賢籍圖除應征糧米

優免差徭

許文正公祠在縣署西元皇慶二年勅建明成化十三年慈

撫李公克復祀田二十八畝

霍節使廟在城北祀宋知懷州事死事霍安國今祀

郝文忠公祠在義溝村十二世孫郝价同子上建乾隆三十四年十三世孫著重修

何文定公祠祀明侍郎何璿舊在縣南郭因寇燬裔孫澐卽縣署東私宅改建

趙烈女祠在縣署東明正德時建

袁公祠在縣西李家橋明天啟二年建祀河內令袁應泰又五龍口沙岡俱有像建祠

陳公祠在 祀前總河陳恪勤公

夏公祠在懷仁書院後祀前太守夏公宗堯

鮑公祠在北街河內民羅姓建祀前太守鮑公復昌

方公祠在府署西祀前太守方公履瑛

婁公祠在縣署後街祀廣宗令婁權

簡公祠在縣署東祀長葛教諭簡重厚

三公祠在城隍廟右祀呂令王世遠孫鋌胡詹榕

積公祠在城東二十里舖祀前知縣積善

汎舖

覃懷馬驛在城東郭

萬善驛在城北二十里

河內遞運所在城東郭

急遞總舖在縣前南街

王召舖在城東十里

馬舖在城東二十里

尙香舖在城東三十里

三家舖在城東四十里

武德鎮舖在城東五十里

廣立舖在城西十八里

柏香舖在城西三十里

沙岡舖在城南十里

藍扈舖在城南二十里

原庄舖在城南六十里

萬北舖在城北三十里

祝策舖在城東南十里

官庄舖在城西北十里

萬善舖在城西北二十里

長考灣舖在城西北三十里

長平舖在城西北四十里

小路界溝舖在城東北二十里

朱營舖在城東北三十里

車家作舖在城東北四十里

書院

覃懷書院在城內東北乾隆四十三年知府康公基田改義
臺寺建

懷仁書院在縣署北明萬歷十九年推官王如堅改察院建
國朝順治十三年分守道張公藩修康熙四十九年知府夏

公宗堯重建雍正三年總督田公文鏡設立學田三頃二十

畝陸續增添共五十九頃十三畝以河灘地坍塌漲無定例不

起科乾隆十六年水患以後租將全無二十五年知府沈公

榮昌因查勘畝數委員清釐募佃議租次年大水又議立規

條令經歷每年春秋履勘確實收租報府變價以資膏火畫

圖各卷存禮房

范秦恒懷仁書院設教記畧曰錢塘在夫子來守是那校郡士拔其尤進之懷仁書院而

誨之曰惟皇上帝所以降才者不殊無古今一也是那先哲

首推昌黎公公自謂世無孔子不當在弟子列諸生生其鄉

閭其風師待他求哉夫因文見道公所爲守先待後也今

國家取士惟文諸生欲見道舍文何以卽余所以教諸生非

文又安有道於是顏其堂曰扶雅以六經諸史養其根以諸

子百家參其變加之秦漢唐宋之交漢魏以來之歌詩以沃

其膏而博其趣人世揣摩之說無所入於其中而庸惡陋劣

之習亦無所出於其中比及三年古學大作士各有成吾懷

自國初二三巨公後文獻缺如士不擇於古幾百年矣

卽書院之建數十年而因陋就簡冰與之等夫子之設科也

妄庸者竊竊偶語曰安事此迂遠不近情之爲及士各有成則又曰是倖成者耳夫科名其小異者也而古學昌明繼往開來功莫大焉德莫厚焉其可湮沒而弗彰乎

昌黎書院在縣署西舊爲韓文公祠明萬歷十九年知府詹公啟東推官王公如堅重修爲書院乾隆十年知縣胡睿榕重修

劉公書院在縣東郭沁河上康熙三十三年知府劉公維世建乾隆二十五年沈公榮昌重修

王公書院在縣東郭明河內令王公漢建

國朝康熙二十五年趙撫王公曰漢修

李公書院在縣東郭知縣李樵集士講學於此終歲不倦邑士感之去任後於康熙三十五年奉祀其中題額以志去思

義學

城東義學一所 城西義學一所 城北義學一所 水北

關義學一所 清化鎮義學一所 柏香鎮義學一所 明邑

夏巡撫楊嗣修有延香館義學記此即其舊址也記曰己巳
夏余寧疆賦歸於柏香鎮之中闢土為義學曰延香館衍芬
都於有永也館凡架楹障以重門門內東西號舍十六間中
講堂堂置厨厨經書若干部館延名宿正師牖焉其窮經於
堂後者亦未楹歲額水田百畝具束脩薪水為遠邇來學者
地館經創始耗金錢五十萬百畝之巨亦錢三十萬歲餘落
成從遊日益眾且次第為博士弟子員噫此非余不肖之所
能為也鎮自國初以來比有素封其讀書為生員輩先大夫
與先叔氏余束髮握鉛槧過庭之外茫無師友依棲廢廟子
爾晨昏性善怯假寐輒驚厲驚而走復煢煢無所之嘗費糧
院士余與皇甫子廉苦無騎先一日躑躅後一日匍匐
歸山三閱始幾一課力不能致書每欣一遺口誦手抄不能
置置貧賤攻苦余不肖實備嘗之先大夫嘗語曰窮境固逆
學力關於是矣每見既達者其去困窮曾幾何日而遭遇纒
更心眼都易子異日其念諸貧不能師者其慮以義學余丁

可內縣志 營建志

未成進士方三匝月先大夫嘗身背囊囊遊燕邸舍版易簣
 之未能先大夫猶遺屬及此念之謂即也迨余得遊中外迄
 今二十餘年始成先志余之二十年間歷朝今有建樹荷此
 薪新而餘碌無所費見我子身坐堂下過之憲然也質愧
 良矣備余與皇甫子徒步趨生其苦則過過日云祖矣有
 人下階揖曰願君勿忘先志少時則汝則矣余不肖即驅
 馳四方歸老泉石而廢廟一基有聖像未嘗廢則去懷也
 先大夫以余不肖及及及及及及及及及及及及及及及
 如余者余其敢終遺爾子之於事於新者於義者於不盡
 其念諸若曰力可為而為之也余更滋悔矣 義鎮義學

一所 徐保鎮 三年知縣胡居格捐俸延師

歷十餘年不倦

監獄

縣監獄一座在縣署大門內西首內計前班房五間前廩房

五間中廩房五間後廩房五間獄神祠三間皆與縣署同

修理

倉儲

府豐儲倉在府署東北

府預備倉在府署南

府常平倉在府署東北隅卽義倉

豐儲倉在縣署北

預備倉在縣署北

常平倉在縣署東

河內縣常平義社漕等倉一百二間內貯穀倉九十九間餘

倉三間

通志

河內縣收併府倉穀一萬二千九百七十八石五斗一升七
合一勺收併府倉七十一間常平義社穀七千四百八十九

石四斗六升零五勺添建倉八十六間勸捐社穀四千六百八十六石三斗六升六合二勺

續通志

河內縣常平倉向無定額乾隆三十一年奉文將府常平倉歸併首邑經管嗣於乾隆三十八年巡撫何公燭奏准常漕薊三倉均勻撥貯常平倉貯穀四萬四千石漕倉貯穀二萬石薊倉貯穀一萬石又勸捐社倉分貯在城及四鄉有正副社長經管出納

府志

養濟院

養濟院在北郭

濶澤園四郭外皆有

關梁

大斛關在城北太行山唐置

碗子城關在城北太行山畔唐置

丹河橋在城北十二里

沁河橋在城北二里

府志曰丹沁二河橋向係民修爲費甚重自前明萬歷十年知府朱公檄以存留易米銀於孟冬修築河橋往來稱便且多節省國朝乾隆二十六年沁水入城檔案漂沒無可稽考惟查每年於河北道庫發給公項銀九十兩辦料歲修而河廣橋長所費不敷又兩河渡口舊設橋夫六名夏月撐駕濟渡秋後修葺橋工舊交廣濟河租項河濟溫孟四邑仍幫添水手十五名經前守薩寧阿公酌改官捐銀四十五兩又經前守沈公榮昌以河濟兩邑挽運引鹽夏月過渡秋後修橋水手橋夫勒索過多因勸諭兩邑商人量捐工食銀兩同官捐工食按季給領又酌撥銀兩爲看守丹河橋工甲長工食餘銀供應差務之用勒石古陽堤廻龍廟

沁河橋所領公項不敷工料費用舊例出票命各鄉幫辦道光三年知縣袁通到任後值十月成梁之時恐有滋擾

卽行捐
廉修建

舉仙橋在城內縣署西濟水上舊傳橋成時適邑人謝京修
昇仙於此故名

利津橋在城內西街濟水上

攬勝橋在城內東街濟水上

指方橋在城內東街

府志云以上四橋旣關濟河通
塞又洩一城積水宜長年挑浚

沁水渡夏秋水漲橋毀則爲舟以渡渡有二一在北門一在
劉庄

兵防志

河內縣志卷第十七

昔山巨源論用兵之本以爲不宜去州郡武備善哉斯言聖人除暴禁邪之意胥同于此豈特闇合于孫吳哉我

國家以神武定天下邺治茂育百八十載萑苻晏安中外禔福而法制相維汎衛分守之職大小統攝以助文吏化養其民所以威不軌而昭文德者固在是也河內據太行之阨帶廣武之雄北連上黨南迫洛陽爲古用武之地

國朝特設重臣鎮守今具錄駐防營伍之制而附考歷代之兵防以著于篇俾知所慎守焉

國朝河北總鎮駐劄懷慶府城左營游擊一員右營都司一員俱駐懷慶

弁兵額設河內城守營守備一員經制千總二員把總二員馬兵一百九名守兵三百八十九名清化汛經制千總一員外委把總一員馬守兵七十名隸河北鎮

分防柏鄉鎮守兵四名分防紫陵鎮守兵四名分防徐堡鎮

守兵四名

城守營屬

分防清化西關守兵五名分防清化南關守

兵五名分防常平街守兵五名分防三旺庄守兵五名分防

窰頭村守兵五名分防新店鎮守兵二名分防七孔橋守兵

三名分防許良鎮守兵二名分防小峯底守兵三名

清化汛屬

墩塘十座

南關墩一座馬兵二名守兵三名沙崗墩一座馬兵二名守

兵三名藍扈墩一座馬兵二名守兵三名崇義墩一座馬兵二名守

二名守兵三名茶菴墩一座馬兵二名守兵三名樂村墩一

座馬兵二名守兵三名

城守營屬

井亭墩塘一座馬兵二名守兵

三名常樂墩塘一座馬兵二名守兵三名義溝墩塘一座馬

兵二名守兵三名楊義墩塘一座馬兵二名守兵二名

清化汛屬

歷代兵防

漢元初元年遣兵屯河內通谷衝要三十三所皆作塢壁設

鳴鼓

後漢書西羌傳

北齊皇建中於河內置懷義屯以給河南之費從平州刺史

穉華之議也

北齊書

唐初設府兵分置於諸州後其法寢壞開元十三年始以曠
騎分隸十二衛總十二萬爲六番每衛萬人陝號汝鄭懷汴

六州各六百

新唐書兵志

懷州有府二曰丹水吳澤

地理志

李德裕論河陽事宜奏曰河陽兵力寡弱自科斗店之攻
 賊勢愈熾王茂元復有疾人情危怯欲退保懷州臣竊見
 元和以來諸賊常視官軍寡弱之處併力攻之一軍不支
 然後更攻他處今魏博未與賊戰西軍閔險不進故賊得
 併力南下若河陽退縮不推虧沮軍聲兼恐震驚洛師望
 詔王宰更不之磁州亟以忠武軍應援河陽不惟扞蔽東
 都兼可臨制魏博若慮全軍供餉難給且令發先鋒五千
 人赴河陽亦足張聲勢又論河陽事宜奏曰事固有激發
 而成功者陛下命王宰趣磁州而何宏敬出師遣客軍討
 太原而戍兵先取楊弁今王宰久不進軍請徙劉沔鎮河
 陽仍令以義成精兵二千直抵萬善處率肘腋之下若宰
 識朝廷此意必不敢掩留若宰進軍沔以重兵在南聲勢
 亦壯又論河陽事宜奏曰王宰止可令以忠武節度使將
 萬善營兵不可使兼領河陽恐其不愛河陽州縣恣為侵
 擾又河陽節度先領懷州刺史常以判官攝事割河南五
 縣租賦隸河陽不若遂以五縣置孟州其懷州別置刺史
 俟昭義平日仍割澤州隸河陽節度則太行之險不在昭
 義而河陽遂為重鎮東都無復憂矣又請諸道進軍狀曰
 右緣王宰兵已深入須取澤州又恐賊於萬善向東衝突
 須更尅期齊進正月六日並是良日一日雖是歲首亦合

內作數者悉僉爲軍

元史兵志

至元五年僉懷孟衛輝路丁多人戶充軍

同上

至元二十一年改招討司爲上中下三萬戶中萬戶府蒙古

漢人新附諸軍相叅作三十七翼中萬戶懷州等爲八翼

同上

明河南都司懷慶衛統于中軍都督府

明史兵志

明制衛所之外郡縣有民壯又有鄉兵者隨其風土所長應募調佐軍旅緩急

全上

明懷慶衛洪武六年建以指揮領之其掌印京操宣府操城操屯田管局巡捕各員俱考選其募經歷司鎮撫司其轄左右前後千戶四百戶所四十屯田二千三十四頃八十六畝五分屯糧一萬二千二百九石一斗九升三合

國朝懷慶衛丁地事務歸懷慶府屬河內及各縣管理

通志

明王漢爲河內令以河南闖寇日張保聚各斬竿樹幟肆焚掠乃出金募勇士教以搏力勾卒之法禽巨寇天壇山劉二又乘雪夜破妖僧智善夜半渡河破賊楊六郎

明史本傳

附開採礪礪事畧

乾隆二十八年河內縣稟報該管李封等村六窰現產銅核每年約計可出礪三萬斤請照例招商開採嗣奉撫憲駁詰招商易滋事端遂改請官批採買三十年冬復以聽民採取渙而難稽改爲官辦于王封村設立礪廠每斤定價四分統計豫省標營及各州縣民壯及民間花砲藥料燒硃等項歲需一萬餘斤餘礪準鄰省官買以河內各官俱有專責惟于

兼辦三十年委令懷慶府經歷管理俱經奏

准在案

懷慶府經歷張會需礪廠紀畧曰需於道光四年得授懷慶經歷六月之任職司礪廠煎燒砒礪以備豫

東兩省各營軍需及各縣民壯并民間葯料花炮暨煉硃之用其廠離城七十里太行山麓之王封村前後皆遠山圍繞風雨晦明疊嶂層巒倏隱倏現而天朗氣清之際登高一望則蒼翠如畫蜿蜒數十里宛然置身於萬峯頂上惟廠屋止正廳五楹巋然獨存其頭二門及炉戶煎礪之所俱已傾圮遂急欲爲之修理無如廠中工本已爲前官費用無着無款可請迺極力挪墊鳩匠興工先將炉房二十間一律修造次將頭二門及照牆並四面墻垣概行修整且令炉戶將礪渣陸續推棄河邊并爲炉戶等稍謀衣食乃移取河邑冊卷并集書吏等詢以採核之方煎礪之法歷加查驗畧知梗概而記之礪廠創始於乾隆二十九年本係邑宰所司酌委縣丞典史經理初令審戶自行開採備本煎熬每斤定價三分買礪員役卽在清化鎮採貯如有餘剩令審戶繳縣發價貯庫以備採買并於司庫灘租項下動支銀六百兩以爲收貯餘礪之用三十年以縣承典史有河務監獄之責改委經歷經理並聽清化鎮花炮各舖在於官局買用每斤議價五分是年冬以聽民採取煥而難稽改爲官辦無論官買舖買每斤加價一分以

資襍費如有盈餘扣辦充公其原領銀兩作為工本年底
照例造報均經詳請奏咨有案至採核之方緣硫磺須銅
核煎煉而成銅核產於煤竭之窟凡窟一經產核例應報
官封閉聽候開採其形似石而質稍嫩有大至數十斤者
有小如雞卵者產地不一賦形各異從前共有天時地利
人和六窰現已採之遵照奏案另開別窰其窰甬深自一
二十丈至三四丈不等開採之時須募窰戶謂之管事
雇覓人夫十餘人晝夜分班用轆轤繼下每人各用燈火
一盞以鑊鑿開採其重實而光潤者謂之銅核可以煎磺
其輕鬆而枯澁者謂之乾不能煎燒核之佳者每百斤燒
磺十六七八斤不等核之低者燒磺十三四五斤不等向
係每核一斤例價二文嗣因工本不足加價一文係官給
四釐又于矧頭工食內扣給六釐迄今核乏之時尙或不
專而核旺之際已有盈餘以每人採核之多寡定窰戶工
本之盈虧然例價每斤祇給三文其盈虛在乎窰戶之辦
理得宜與否與官無涉也其燒磺之法係用瓦缸二口對
合埋於土內於上缸底鑿一圓洞約八寸許埋與地平復
於地上圓洞之外用泥圍築一圓圍約七尺許高約二
尺五寸中留火門寬約一尺許又用瓦罇一個高約二尺
五寸圍約三尺許中大而口虛俱小每罇大者可裝銅核
七八十斤小者可裝五六十斤裝成之後用瓦片于內口
遮蓋將罇口封合於上缸圍洞之內用泥封口在罇之外

炉圈之內三面用煤堆砌于火門燃火發旺卽將火門及上面一并用泥坯封密惟于後邊留洞出火約一晝夜將罈挑起磺已流入缸內缸熱者每日可以起磺缸冷者須俟煎燒數罈之後庶缸俱熱方能勻起宛如油汁貯於瓦器內用水澆酒卽凝結而成磺共計磺罈四十盤前係罈戶二十人今有一人而兼數盤或止一盤者向來發核百斤罈戶繳磺十二斤如有多餘一并繳官每斤給錢四十文以作缸罈煤炭工食之需總以銅核煎磺之彙彙爲罈戶獲利之重輕亦與官無涉也然而罈戶非身家殷實之人所肯充當罈戶尤係貧窮小民僅不獲利均已難支設罈間開採稍難工本不勇其用則罈戶有所藉詞若銅核煎磺較少餘磺不足其本則罈戶復多口實是又在乎官之因時制宜酌盈濟虛爲之經理得宜也夫銅核產於煤之下而一經採煉卽爲軍火之利器且其渣與礬核煎燒又成皂礬再煎復成紅土大地之生物以資人用者可謂奇矣乙酉二月因公赴廠督辦之暇爰記其詳使後之來者有所考証焉

古蹟志

夫黃墟綺分丹壑屏列宅壤開闢閩人成世而芒芒禹跡易
感遐心靡靡周原輒生憑弔豈不以表區形勝之地徑哲游
覽之鄉衿帶相環是爲奧域衣裾暫褻卽號名厥足以發稽
古之情怡登眺之志哉舊壘未撤猶知白馬之津陳迹可懷
何必爽鳩之樂汲荊州之井瞻企仲宣望江上之墩流連安
石循茲芳躅不其煒燁今乃馳白陘之峻岫度臺亭之絕流
臨子翼之軍屯詢第公之冢舍景行高山悠然心目爰考輯
故墟次列名勝作古蹟志一卷而仙釋之居昔賢之墓凡可
以佐幽賞寄慕思者本咸附焉

沁水亭

水經沁水注云沁水東逕沁水亭北世謂之小沁城乾隆府志云卽今之覆背村在縣西三十里

邠城

古邠國周武王子虜封水經注云其水南流逕邠城西故邠國也城南有邠臺春秋僖公二十四年王將伐鄭富辰諫曰邠武之穆也京相璠曰今野王西北三十里有故邠城邠臺是也

邠亭

水經注云邠水東南逕邠亭西京相璠曰又有亭在臺西南三十里今是亭在邠城東南七八里之謬耳或更有之余所不詳按此亭今已無存

二石人

水經注云丹水又逕石人山各在一山角倚相望南爲河內北曰上黨二郡以之分境

鄴城

水經注云城在山際俗謂之期城非也司馬彪郡國志曰山隅有鄴城京相璠曰河內山隅西北六十里有鄴城竹書紀年曰梁惠成王元年趙成侯偃韓懿侯若伐我葵卽此城也今按鄴城卽今之清化鎮唐置太行尋廢宋以後爲清化鎮在縣東北四十里水經注云城在山際則與此不合矣或昔時鄴城南峙其後更有移置歟

苑鄉城

水經注云丹水又西經苑鄉城北府志云在府城北

成鄉城

水經注云光溝水東南逕成鄉城北舊府志云在府東北未指其地邑人相傳府北二十里丹水傍大郎寨爲苑鄉府東二十五里沁河南尚香鎮有古城濠卽成鄉城

中都亭

水經注云光溝水又東逕中都亭南魏書地形志云武德郡有中都城今爲內都村在縣東北二十里

州城

春秋本傳隱公十一年王以州與鄭及後晉改南陽州遂

入晉趙氏郟氏欒氏蹇氏遞有之昭公

七年復歸之晉而韓宣子以易原縣于樂大心其後仍屬公家宋行人樂祁之死晉人止其尸於州是也史記韓宣子晚居此漢時置州縣晉因之北魏于其地置武德郡隋廢郡改縣曰邢邱大業初又改爲安昌唐置北義州于此後復爲武德縣宋熙寧中廢縣爲武德鎮按武德縣置于秦時孟康曰始皇東巡置武德縣自以武德定天下也魏武定七年義橋石象碑曰項羽改名殷國漢高復立爲郡自茲以還爲河內下邑屬皇朝選鼎卜食漳濱遂方割四縣在古州城置武德郡讀史方輿紀要云武德鎮在府東南五十里又有武德城在府東據此則武德縣非今之武德鎮鎮卽古州城無疑

金亭

水經注云白馬湖水東南流逕金亭因分爲二水魏書地理志云武德郡有金城舊府志以金亭卽金城今有東金城在城東四十三里西金城在城東北四十里

射犬聚

後漢書云赤眉衆十餘萬在射犬光武進擊大破之又河內太守張楊爲將楊醜所害睦固殺醜屯射犬水經注云長明溝水東逕射犬城北邑人孫果古射犬聚考云近年金城之東有掘地得後周墓誌一石言西至射犬古城二里則東金城之爲射犬聚也無疑矣其言如此而謂後周墓誌者近始得之可援以爲據也

付遠城

在城西南三十二里本名締城左傳王與鄭締亞語襄王賜文公以州陘締阻之田卽此也

波城

在縣城南漢置波縣晉廢

沙城

魏書地形志云野王縣有沙城晉書載記云太元八年慕容垂起兵復燕使可足渾譚集兵于河內之沙城

期城

讀史方輿紀要云在府城西三十里故隰城也左傳亦作隰郟隱公十一年王與鄭隰城卽此

崇義城

在城西南三十里唐初置縣尋廢今爲崇義鎮

紫陵城

在城西北三十里唐初置縣尋廢今爲紫陵村有紫陵澗

碗子城

讀史方輿紀要云在府北五十里太行山畔山勢險峻羊腸所經上有古城元至正十八年汝陰賊大掠山西察罕擊之自河東進屯澤州塞碗子城府志云太行山頂其路羊腸百折中有平地僅廣一畝許唐初築城以控懷慶澤州之衝其城甚小故名

萬善城

唐書云會昌三年劉稹以澤潞叛河陽節度使王茂元以兵守萬善旣而劉稹遣將張巨等攻萬善南五里又中和四年李克用出天井關諸葛爽辭以河橋不完屯兵萬善以拒之明爲萬善驛今廢

向城

太平寰宇記云在懷之河內西北二十七里

新店

唐武宗討劉稹王茂元屯軍萬善稹牙將劉公直潛師過萬善南五里焚雍店相傳今之新店卽雍店因公直焚後東建故名今其地在萬善東南五里

丹谷

水經注云丹水又東南流注于丹谷北魏莊帝詔源子恭鎮太行丹谷今在縣東北卽丹水入境處

丹口

水經注丹水逕苑鄉城南東南流注於沁謂之丹口

張炳游丹

口詩曰寂寞春山上
同人人久躋
攀雲深千嶂
隱風定一泓
寒撲面
林花舞
循匡獨鳥盤
自憐幽興極
欲去屢躊躇

禹王臺

在城上東北隅

曹履青登禹王臺詩曰
落日高臺上
湖光照眼明
濟川懷舊德
種樹愜幽情
綠鬢浮

山影絃歌雜鳥聲
頻來思鼓柁何處
擷香齋

郭巨樓

在東城上

孔子廟

在城西北十里義河唾水經注云邢水又東南經孔子廟東廟庭有碑魏太和元年孔靈度等上求修復高允表聞立碑於廟治中劉明別駕呂次文主簿向班虎荀靈龜等以宣尼大聖非碑頌所稱宜立記焉云仲尼傷道不行願北從趙鞅聞殺鳴犢遂旋車而返及其後也晉人思之於太行嶺南爲之立廟蓋徃時廻轅處也

華嶽廟

水經注曰沁水北有華嶽廟廟側有攢柏數百根對郭臨川負岡蔭渚青青彌望奇可觀也懷州刺史李洪之之所構也

鎮山亭

中州金石考云鎮山亭在城上金沁南節度使耿光祿建以鎮遏太行之寇碑刻尙存

沁園

在城北三十里沁河北岸金時官僚晏游之地相傳有沁園圖石刻今不可攷矣

竹園

府志云在府城北舊崇教鄉宋大中祥符間置

迎風樓

在城北宋王巖叟有千峰南向四時碧一水東流萬古寒之咏

望岳樓

在城內元初建臺高百尺上起飛構其後有堂曰具瞻面
嵩少背太行得郡勝概

懷川閣

在城內舊懷州治宋尹洙建

懷古堂

在城內府志云舊以爲唐太守杜正倫建者非也正倫固
未嘗爲懷州刺史當是杜僑

牧愛堂

在城內舊節使廳事

犬臺

在城東漢光武遣王梁擊赤眉於此

會春園

在城東北沁水北岸周顯德中置

竹塢

在城東北明月山之南乾隆庚午秋

聖駕巡幸有

御題竹塢詩

紫金壇

在縣西北行山巔

明魏允貞紫金壇詩曰太行絕壁渺仙壇壑遺名巽鬱幾盤王母洞虛瓊珮杳

金龍石碧玉漿寒陰崖霽雪從扶杖遠樹含雲故倚欄

說真源迷咫尺此身猶自繫微官張用達登紫金壇詩

曰至立危峰萬仞孤振衣絕頂不須扶撐空獨卓中天柱
放眼全收蓋地圖紅樹俯看幽壑編蒼松時有冷風俱此
來遊真道遙甚那信神仙住藐姑曲盤樵徑東西石磴
旋登稜稜梯祠首塵區疑世遠置身雲路覺天低

翠圍欄下一派鐘聲落澗西坐待月明歸去緩要乘秋爽
聽天雞高寒氣欲接鴻濛胸次蕭然眼界空一線河流趨
碧海三呼嵩岳倚蒼穹渺茫誰記仙人去呼吸應須帶坐
通遙想下方翹首處此身端在五雲中福地元壇祠宇荒
一池如罍受秋光澗雲去作平原雨老樹留經太古霜時
有雙栖水白鶴向誰浩劫問紅羊西峰沐澗原相接流水
猶疑考八琅

忘歸亭

在沐澗山右奇峯環擁幽翠通天逸士探勝者幾不知有
塵世矣故曰忘歸其址則宋人之所建也

鳴玉亭

在沐澗廟下清泉涓流淙淙如玉茸卉冬碧中環大石橫
鐫鳴玉亭三大篆字相傳爲魏夫人書者雖係謬言然亦
必唐人手跡矣其側卽鳴玉泉泉左爲亭

川月亭

在沁之南為昔人酬送之所今無攷矣

何永慶川月亭記曰環懷之北有沁

水焉直北之要津也性衝激無定南北極目平沙兩岸遼
邐橫漠每秋夏之交雨濤疊湃洋洋流澌足稱巨川枕川
而南有亭曰川月亭蓋取臨流碧映兔魄搖光之義大夫
之郊行勞問祖帳青驥歌詠迭酬皆斯乎寓故其基棟獨
盛足供翫賞而其堂曰借寇當時子翼君翩翩父老叩輦
求庇者猶可退思哉堂之後為臺瞰川而起若樓臨沼太
行西來麟峰拱秀引手可招浮鶴揚琴嶽山皆若翳空入
夜美影澄波孤村遠照萬籟闐寂蓋川月之極觀備矣舍
臺而西虛亭一楹據列樹之中榜曰冰壺通津即今太守
所榜也冰壺以字月通津以字川而規模宏敞幽巖繁香
激水東來曲之遶亭入於前池池巧細有橋可憑荷
芬可嗅雨時滴瀝作玲瓏聲壺蓋坐地可十人雅歌更
唱幽禽窺人忘其為郊野山林矣椅兩旁有二洞東為四
賢祀宋陳氏四中書君西為遺愛祀明太守首勳水朱公
王公官皆有聲並祠之亦借寇之遺也歲月多風雨摧
轟向所後勝極觀者幾於頽滅而今太守公孫江公來則
飭而更新之時借其寮登眺舒肅不佞亦偶得寓目焉夫
不佞自歸林雅嗜山水乃一至取爽

然而人勝於地則名亦因地而勝公知之乎叔子曠山庾樓明月彼豈有意於規規立身後名而名卒歸之者惟其留心民瘼寄情山水有古災祥之察遊豫之觀云白遊豫黜而衡石興服官者率避覽勝之說一切罷謝名園勝槩或從而斥拆之也公旣賑窮起廢不憚辛勞而又出其餘以全勝賞使前人有作不至蕩滅名賢神棲賴以光永蓋振刷與崇報兼焉者也他日者數堂於寇心之公數响於陳於朱者亦必之公卽百年後襄陽淚石武昌炬樓備有川而仰有月有不可歌延澤而詠清輝哉則信乎亭之勝得公而公之勝得亭矣予不佞竊自附於就勝逸民故紀其勝而銘公之績于石焉公諱學詩號津臺而其寮友則司馬爲鄭諱道與別駕爲孫諱汝正司理爲怡諱恂

含秋亭

在北郭本遊賞之地會祠寇公於其內見石維嶽寇公祠

記

石甕

沐澗寺西北有大小石甕形如盞覆瀑飛其下乃歸山之

秘境宋宣和時李子才等題名所謂歸白石甕息忘歸亭者是也上有傾珠崖又有勝水泉泉東有和尚洞

仙人洞

沐澗寺西南絕壁上有仙人洞洞口五丈餘洞內大數十丈有元延祐年遊人朱書題名大二寸許筆痕宛然未有毀落卽此知其境之幽異矣

千佛洞

在懸谷寺側中皆石刻佛像

桃花洞

在陽洛山多元人游題之跡

三清洞

在陽洛山

李玉溪故里

今無考

吳縣所李玉溪故里詩曰指點迷離古道旁逢人
先見讀書堂恩牛怨李空留恨咏翠吟紅總斷腸

錦瑟一篇標句格西崑千古麗文章

不堪回首荒烟裏幾樹鴉啼亂夕陽

謝景修宅

在城內卽聖水觀址

張旨宅

宋龍圖閣直學士張旨初游學數年不歸家人欲嫁其妻
妻李守節而死因建節婦坊宅卽在坊側

許文正公別墅

在城北十五里景賢村村有文正公祀田二十八畝許氏

子孫世守之

何文定公別墅

在城南四里南上村

蕭上人禪房

在沐澗山唐時僧蕭然所建也其址今已廢矣

小洞庭

唐王太守晏小洞庭碑見中州金石考或卽今之小南海
天鷲池

卽潮音寺池也寺植池中跨以虹橋芙蓉宮前寺廢於梵
音之中不隔市廛而翬座自遠提琴命侶

院其凡襟矣俗名小南海

清化祝融觀後荷亭

祝融觀後舊有潦池十餘畝通判李公璧植荷其中暑辰

花發香颺蒼郁關觀之右面花啟軒可以延憇水北復建

小窠數椽尤爲怡爽冠蓋邑士遊賞殆無虛日矣吳江吳育清化

祝融觀觀荷記曰道光三年八月二十五日余以散病借

彥聞之清化鎮訪茲佛寺北朝造爲爲陷入碑龕不得其

刻記爲之憮然過清蓮寺觀儀鳳三年造爲爲鄉人祈雨

攜去復不得見乃遊於祝融之觀有亭有榭緣以土岡竹

樹蒙密綠陰翳然清渠一道自遠而至不知其源至亭前

滙爲深池廣可二畝植荷其中藕茄萍蓂瑟瑟動人彥聞

曰方子之未至也爾皋宗伯嘗宴客於此斥邱劉松嵐觀
察爲五言詩一章余亦和焉是清化最勝處也因坐鏡榭
久之一望無際清光宵渺想三伏勝時處涼臺有鬱蒸之
煩居寒室有淒清之感惟對此花可以忘暑况菡萏萬個
新荷擢露清風時來香氣撲撲充越庭戶二三君子將必
有乘雲御風消搖無事之歡既而般枝雜旅酒醴維旨三
爵既升清談在闕情餘來歡互蒼揮翰如雲飛觴若
月倦僊乎不知曜靈之西而宗伯英偉絕特鳳觀虎視

有霖雨蒼生之樂歸田後河朔有終焉之志
彥聞篤實果銳積善其所以為惜者過時耳其氣量相等
其樂又可知矣時余乃勸曰西邁涉大河凌沁水經廣武
一千五百餘里欲求一息之蔭亦杳不可得安知此間之
樂哉及過清化見靈芝諸若語若語以為菡萏花間有仙
靈遊譙於此觀於此情然因追記其事以志余之不遭
也

伏羲殿

在紫金壇上

寶可羅紫金壇謁伏羲殿詩曰縹緲羲皇殿
燼煙炷一邱龍蛇驕窟穴歲月老松楸社鼓

千山動靈風萬壑幽塵囂此地隔遙想北牕秋

寺觀

大雲寺

在縣城內東南隅今名天寧寺本隋文帝所置名長壽寺

武后改名大雲寺有大足元年碑後有塔係金大定廿一

年重建又郡志引明郡志稱天寧寺元泰定元年創明洪武十年重修按此係唐以前舊刹云元泰定創者悞也或彼時始改名爲天寧耳

興龍寺

在縣城內西北俗名高臺寺卽元仁宗潛邸延祐二年建明永樂十二年修郡志云抱山集高臺寺觀碑詩云懷寧入繼嗣成宗懿旨傳來出禁宮碑記撰文趙學士寺成皇慶二年中寺本懷寧王故宮王入繼大統是爲武宗奉太后懿旨改宮爲寺仁宗皇慶二年始成耳謂仁宗潛邸誤延祐年亦誤今攷元史武宗封懷寧王而常在按台山未至懷慶成宗不豫政出中宮忌仁宗母子斥出居懷又趙

碑云皇慶二年內旨若曰維茲懷孟子寡躬暨今天子昔嘗臨幸旣而入正紀綱登大位恭稽祖宗故事卽行殿作大阿蘭若越二年寺成是寺之爲仁宗潛邸及建成于延祐二年皆確鑿無疑郡志之所糾正者皆非也

義臺寺

在縣城內東北元秦定間建明洪武十七年修

國朝乾隆三十四年知府康基田改爲覃懷書院

延慶寺

在縣西栢香鎮元延祐四年建明洪武十一年修

吉祥寺

在縣東北元至元六年創

蕭瑞苞人日集吉祥寺詩曰賞詩邀上客

樵路春風井竈烟鳥鳴金像側人醉
石幢邊薄暮勞歌起邨邨似管絃

龍門寺

在方山之西

龍岡寺

在縣西北三里明萬歷十八年慈聖皇太后欽頒藏經佛

像勅封供具

李標過龍岡寺詩曰河流歲歲費隄工偏愧

高風茶謝小盃浮新碧花亞疎林露淺紅幾向莊嚴發微願追呼無擾簿書空

洪道寺

在縣南郭元天歷元年建明洪武五年修

大道寺

在縣北郭水關元皇慶

一年建明洪武五年修

王鐸大道寺詩曰竟

日炎無已院中拂麈塵在味曾漸老兵火月仍新風逆沉
漁鼓杉稀顯鶴身將堪鐘又叩空籟語何人

興教寺

在清化鎮舊志以為元至元間建按此寺前有魏人造象

見武虛谷金石錄今雖不獲斯碑然知其為古刹也明張昇宿

與教寺詩曰迢迢清化善生涯種柿殷勤若藝麻野寺有
僧三四輩村原無恙五千家路通車馬晴猶濕人滿閭闔

夜亦諱况復太行山色
近朝曠瑞氣結晴霞

青蓮寺

在清化鎮城內中有唐儀鳳年李万通造象一石聞此寺

舊址甚廣今皆為民居矣

寶光寺

在縣東北四十里明月山金大定二十一年賜名大明禪

院元時改爲寶光寺明永樂三年修今一名月山寺

朝乾隆十五年

御賜匾額三對聯一觀音閣額曰

慈意雲垂毘盧殿額曰

六通圓滿水陸殿額曰

無盡光明佛殿對曰

功德水周環金容印月吉祥雲縹緲寶界凝香

陳忠靖月山寺詩曰山列

嶂巖况率禱覽畫圖大河蒼野外少室白雲隅樹樹春風

亂田田新麥枯登臨無限意明月照銀鋸郭公容安月

山寶光寺詩並序曰戊辰冬月至懷慶偶訪月山寶光寺

目有所見意有所觸因卽境成咏昔翟天師曰可隨我指

觀之見月中瓊樓金闕滿焉余使節所歷行蹤無住時於

無相中得真實相然究亦何處著得色相耶覽余詩者應

作如是觀行蹤無住躡尋幽問訊空山古剎留未敢全拋

身內事且圖稍遣客中愁清泉出谷不知凍紅葉滿林真

是秋仰止多情頻策馬白雲堆處聳高樓兩行山夾萬株
松石磴盤空過幾重近寺招邀來衲子隔雲迢遞起疎鐘
阿誰貝葉成新偈何處蓮花問舊蹤慙愧有門尋進步諸
天拍手笑相逢蒼巖劈破自何年攬勝人來尺五天白月
有情依北閣清風無意下西偏梅開香引蒼公洞水落聲
傳課蜜泉更上雲臺最高處收將河嶽入詩篇石洞誰攜
酒一壺道情禪味兩模糊丹砂事業輸兒女白雪心期是
丈夫試看寒松逢歲暮幾曾丹桂有榮枯於今莫更分門
戶祇合相從覓故吾麒麟山接鳳凰臺獨立蒼茫望眼開
我自隨緣忘去住人誰到此賦歸來峯頭遠憶嵩雲渺澗
底清分晉水迴何日寄包禪榻呼檀林香月好徘徊禪情
詩思兩何憑小住香臺最上層別院清風雲作縷空山鬢
日水無冰漫成修竹林中客閒對梅花樹下僧忽憶西風
鐘磬裏欲銷離恨竟誰能康儀鈞月山寺詩曰石徑旋
螺上琳宮拔地開到門峯勢轉別澗水聲回樹色闌空遠
河流撼岳來何常謝塵土趺坐遠公臺又登月山大觀閣
詩曰象山浪湧勢東瀉到此崢嶸勒駿馬高閣萃兀跨蒼
天雲峯羅列出腋下支撐磴道接混濛精神恹恍虛無中
冷冷御空那得住豁達萬里吞長風俯視人烟紛瑣碎平
現嵩少學羅髻麥苗水養綿綿綠竹苑霜束森森翠更向
平疇極香冥烟霧蒼茫但一氣坐來忽聞波濤聲樹杉林

對一先月維虎九曲崑崙水

曉上峻登此詩能心顏開黃鶴高飛何處宿雁聲遠自
漁水回首岩岫皆北向我獨胡爲南山垂不知此中可有
更高處千里迢迢送目去并州
近在白雲間汾水晉山從可數

九峰寺

在縣東北九峰山陽元至正間建 國朝康熙五年修鄧公

容安重過清化詩九峰寺詩曰再經竹塢郡更問九峰禪
地在無塵境人來不住天舉頭山是月到眼樹兼泉且欲
尋詩句東橋思渺然聞鐘不見寺寺在竹林間風雪初開
霽煙霞深閉闔逢源參淨妙有路許追攀此意誰應會山
僧只破顏新精尋舊路忽到此巖阿小逕雪泥滑四圍雲
樹和地偏嶙畫靜山近覺寒冬一摘能消渴茶煙出碧蘿
惘惘涉何處香界竹爲屏流水門前碧高山屋後青人誰
來問法烏已讀聽經試看林書外浮雲不暫停精藍接山
麓清碧出深房小住憐驚屐長途記渺茫何時梅子熟相
憶木樨黃他日重尋處題詩滿廊出寺尋歸路橫橋帶
夕暉東西村不斷高下水平分殘雪白鋪地修篁青入雲
獨來名勝地回首惜離羣

白馬寺

在郡東北創建無考寺有後漢軋祐三年經幢蓋亦唐時

舊刹也寺前有湖相傳卽水經注所謂白馬湖

蕭瑞苞白馬寺詩曰

古寺紆懷久香臺寓目初
荷翻九夏盡水泛六朝餘
廢殿巢啼鳥殘經走蠹魚
進僧談往事池畔屢敲磬

水峪寺

在縣北三十里太行山麓明永樂間修

王鐸水峪寺詩曰
入春山便好况復

有閒情雪氣風前寂雲陰樹裏行
觀禽非一色聽水自殊聲
酷似鷺湖處蕭然遠意生
周繼芳詩曰白雲何處急

山寺曉烟浮日正千峰午
天清四壁秋林閒鳥晝宿禪定
鹿群遊前嶺通車馬東西役不休

雲陽寺

在縣西北四十里雲陽山

臨川寺

在縣西北四十里臨川山內有宋宣和三年趙部蔡某

碑王鐸臨川寺山意曰市朝安忍問山寺遂遨遊自許談
青豆何如對綠疇夜來龜殼榻寒至鹿毛裘白首青嵩
客吹簫
不外求

鎮海寺

在縣北郭沁堤南創建無考明萬歷十三年修 國朝康

熙十六年水傾懷慶府知府楊廷耀修乾隆二十六年又

圮打水僧賢然募修

范桂園鎮海寺詩曰水寺西堤口門
前漲白沙荒蕪入城郭素壁寫龍蛇

清隔遙村暗橋儼翠柳斜
行人務徵逐不到法王家

仁孝寺

在縣東郭元皇慶五年建明萬歷間修 國朝康熙己未

僧鎮華募重修

方華齋仁孝寺詩曰散步出郊坰蕭疎舍
利庭衰楊風聲綠麥雨扶青地僻人偏

少林深日易暇邇來
心緒淺極目轉惺惺

潮音寺

相傳爲明鄭王邸景賢書院遺址

勝果禪院

在縣北沐澗山卽沐鞠寺也唐貞觀中命鄂公建正德八
年寺僧淨瑾修峻焉千仞忽得坦壤置此琳宇傑棟高峙

群巒俯眺洵爲幽勝中有後周及宋金人石幢三

張紳沐
澗寺詩

曰訪水先鳴玉洽然對上方蓮峯相競突虬影復能蒼
衲子知茶理磁烟帶石香猶航西澗好似雨落斜陽

開化寺

在紫陵鎮創修於北齊武平二年有武平石碣舊刻及宋
人石幢外石門上有金大定二十八年刻字亦古藹若也

懸谷寺

在沐澗山靜應廟西南崖高百仞罨如覆盂廟在崖下望
若化工寺西南有石砦上有泉蜿蜒而下流人寺內澆灌
花木其中奇葩名枿怪石絕巖鳥語猿吟風來雨至殆別
有天地矣考岩壁上有隋時殘隸書知此寺卽古太平寺

也又有晉天福三年磨崖石刻金剛經

成王臣懸谷寺詩曰偶來懸谷寺痛

飲白雲邊犬吠鶴猿窟僧耕虎豹田巖深失驟雨峯簇小
諸天身世兵戈後山居卽大還范桂園真谷寺詩曰愛
茲山徑僻屏障列周遭石乳垂秋蘚嵐烟濕敞袍樓敞陰
帶雪泉細靜聞瀉下界鐘魚響遲歸月上高又有上真谷
寺詩目久居成惰骨好山頻入夢東風吹出門一踏西岩
洞矧有高年翁性喜結吟弄人生必有才達者妙於用桃
溪漲晚烟柳橋破餘凍遙指峯頭雲待余倒春甕方華
齋真谷寺詩曰峭壁瞰晴空青蒼隱梵宮危巖衝仄磴飛
閣挂高楓伏徑芳泉細撐崖老

樹雄偶來同小憩談笑對東風

楊膺寺

金城寺

雍城寺

恒安寺

苟塚寺

樂善寺

普泰寺

朱營寺

管金寺

以上見北魏義橋石象記址皆不可考矣

寧照寺

見中州金石考卷五

興龍寺

在王范村寺外植唐開元石幢制作宏麗則此寺之大可知今止存數楹耳

龍興寺

唐利見唐時僧肅然遺集記

佛母廟

在金城鎮有宋經幢可證

延慶化城寺

在縣西有後唐刻唐碑

梵王宮

在武德鎮南

永福院彌勒閣

宋時建

清風菴

在明月山金時建

法濟禪院

有金時鐘銘

壽聖寺

在雲陽山有元碑

釋迦禪院

在南岳村俗名雙姑寺元刹也

觀音院

城內元人建

馬坡寺

今無考

王鐸題馬坡寺詩曰村歌遠岸分西去歷斜曛僮僕遠幽寺牛羊上古墳羈人猶帶箭野碓更春雲

向暮鐘聲動蒼然若有聞

靈山廟

在城東北三十五里靈山

白果寺

在龍門山

甘泉寺

在甘泉山

雲合菴

江內縣志 卷十八
修真菴

在韓屋村一在西烏村

靜應廟

在沐澗山祀晉魏夫人自唐垂拱碑卽云建立之始年代莫詳當在晉魏間矣神應於蟹澤及群生而尊嚴崇奉亦殊常祀廟廷爽壇象設華竦前則崖闕峻美後則穹閣幽遠古木森秀碑碣林立加以山之環拱者皆翠嶺萬狀洵勝宇也殿後有竒經矗立宛若瑤筍土人名曰飛來石高三丈方四丈許後如刀平削遂分爲二至踵仍合其上有

魏夫人粧閣

紫虛元君廟

柏香鎮楊思益出已貲創建買廟地五畝焚修地二十畝
工未竣而死其子厚生承遺命復立兩廊及亭立碑記之
又廟一所在紫陵村北十里又廟一所在雲陽山

三觀廟

在紫陵村西南元至元年創建

神清觀

在紫陵村西元至正五年重修

東岳廟

在紫陵村東南有明何文定公撰碑寺內有唐范氏墓誌
一石 紫陵村又有社稷壇后土祠想係唐建縣時之遺
址也壇上有石刻乃金泰和六年所立

二仙廟

在窑頭村

十方院

在清化鎮西門外明天啟七年建 國朝順治六年修寺

有檀香佛像

蕭瑞苞宿十方院詩曰戰氛從此息暫作葛天民門巖千峯月風傳萬樹春鶴巢松下靜

草長雪中新不識陽臺路逢人數問津

玉虛觀

在縣城西南沙岡村相傳創自漢時明嘉靖二十四年鄭

藩樂安郡主重修

翠筠觀

在郭東萬化村元至元初建四年因水圯至正十七年重修

建國朝乾隆元年修

天真觀

在縣城內西南元至元六年建明永樂中修

玉清宮

在縣城內西街明宣德五年建成化元年修

聖水觀

在縣城內東南唐代建係謝景修故宅明正德間重修

有崇禎八年碑記景修事其畧曰謝景元景修兄弟開闢
腊舖家舊奉真武神像兄好博以博敗怒神不佑之毀裂
像身投之井內其時景修在長安夜夢披髮人向訴創痛
恍惚聞但見黑木數段既覺疑是神靈景元素極誠奉卽
尾支馳歸如女果應而殯已遍身患瘡號呵求死遂從井
中汲取殘木重復修完而所汲之水乃有異香景修飲之
遂雲霧環擁成而上昇舉手揖讓鄉里而去懷州刺史馬
苟聞于朝準勅以其宅爲聖水觀別貨宅處其家人焉今

殿中尙有古井土
人云可以療疾也

太古觀

在縣東王濮村元大德初建明洪武間修

崇寧宮

在縣東北郭沁河南岸康熙三十年懷慶府知府劉維世
建

萬壽觀

在金傘山

護國顯應王廟

在清化金天會七年有重修碑記

萬壽觀

在金傘山卽劉自然菴

五祖堂

在七房村金時建

先天觀

見寰宇訪碑錄有元鐘銘今不可考

清和觀

在塢頭村女冠李守元之所建也

昭惠靈顯真君廟

在清化鎮元延祐四年修

聚仙觀

在宋寨村觀中有元碑一石

真澤廟

在趙梁村西有元延祐碑

嶽雲觀

在南魯村

圓通觀

在南魯村

長春觀

在柏香鎮

栖真觀

在北重村

學墓

郭巨墓

在府城北沁水北岸府志云巨本林慮人漢時林慮屬河內郡故孝子傳稱河內人遂援引入河內縣也今林縣西北有郭巨墓通志反遺彼而存此矣考劉向孝子傳以郭巨爲河內溫人溫與野王壤接或卽葬於河內未可知也

丁蘭墓

舊志失載墓所

魏管輅墓

舊志云在城東北管輅本平原人葬於少府官舍其葬所則無可攷此墓亦無有遺蹟今地存之

北魏王慧龍墓

魏書曰王慧龍拜寧州刺史虎牢鎮將未至鎮將歿謂功
曹鄭曄曰身歿後乞葬於內州縣之東鄉依古墓而不壞
足藏髮齒而已時制置人入國者皆葬桑乾曄等申遺
詔許之吏人及將士為其墓所起佛寺圖慧龍及僧彬
讚之按慧龍墓在今之武德鎮東然不可攷矣

唐李旣濟墓

李商隱之高祖商隱贈盧尚書撰曾祖妣誌文狀云曾
祖安陽君昶葬於懷州雍店之東原先大夫故美原令之
左次美原諱某字旣濟其墓長樂賈至爲之銘

李叔恒墓

商隱之曾祖卽所謂安陽君也舊唐書云以道年十九

進士第位終安陽令義山文集作叔洪

李商隱墓

考商隱請盧尚書撰曾祖妣誌文狀云夫人既孀教子邢州君以經業得祿寓居於滎陽不幸邢州君亦以疾早世夫人撫視諸孫家性屢空不克以邢州歸祔故卜葬於滎陽壇山之原上俾自我爲祖百世不遷又請撰仲姊誌文狀云以潞寇憑陵擾我河內將以明年正月日歸我祖考之次滎陽之壇山據此則商隱自其祖邢州君以下皆葬滎陽河內不應有商隱墓舊志云在城東者非也

梁慎初墓

穆貞墓銘畧曰梁慎初字智眉嘗冠軍大將軍移疾請告

寢疾于河內葬於私館會葬于太行之陽

劉夫人墓

夫人劉氏適衛君某附葬於河內郡城西北二里彌諸鄉
故墓有墓誌見金石志

范夫人墓

在紫陵村外有墓誌見金石志

宋許裘墓

范仲淹墓銘叙云公諱景德二年四月終於京以某年
月日歸葬於懷之河內縣某鄉某里

龍圖閣直學士張旨墓

在三旺庄

金史邦直墓

元遺山文集云邦直諱元葬河內王封村之東南

元許文正公墓

在城東北六十里李封村歐陽元撰神道碑

許文穆公墓

在李封村

溫國公珊竹咬佳墓

在城西十五里北孔村有神道碑係劉敏中撰今猶植墓
上

李潤墓

府志云河內志失載墓所

明鄭靖王墓

鄭康王墓

鄭懿王墓

鄭敬王墓

鄭恭王墓

俱在紅嶺山

鄭簡王墓

在藥仙山

鄭僖王墓

在金傘山

端清世子墓

在九峰山墓碑刻而未立於墓上今猶在九峰山

王鐸碑文

曰天啟甲子余友宗侯鋤欽渡河請余曰先世子之歿木
藪矣口於碑惟吾子圖之余敬諾夫世子者乃鄭簡王度
第四支東垣端惠王之曾孫太祖高皇帝九世孫也仁宗
始封少子鄭靖王於陝西鳳翔後遷河內生簡王儋王儋
王生康王康王無子鮮親支第二子早歿議第三子盟津
王承襲庶母張夫人怨於王誣奏魘事褫爵憲宗皇帝兼
乃寃下勅用誠孝宗皇帝頒璽書引和疏八上求仍盟津
爵離於禮官乃寢是時康王弗嗣孟津王華東垣端惠王
僖王庶第四弟也端惠王薨權以其庶四弟子祐擇封爵
茲曰懿王生恭王盟津遺孤祐禋疏奏考寃世宗皇帝心
側予之爵祐禋子厚焯厚焯子載璽貧布衣矣恭王生世
子卽所謂端清公世子諱載瑄字怕勤母妃高氏生公二
年高氏薨又一年己亥世宗口前嘉名世子方少性哲卽
喜述訥保母張口授于文問推位讓國曰今將誰能張曰
此古人事公曰爾亦奚駭我且易焉張惶懼急掩其口曰
事重鉅勿輕言然竊目之矣塾事紀善劉潤時難師師數
引避性不喜輕詆踏踏温清弗懈恭王則憚又五年吟詩
恭王曰鞠子學詩耶吟咏長至日丙午皇帝曰鄭藩有子
獻而無郵翰林學士高拱拔其將朕節是以爲鄭世子於
是諱朗英盼於榮利若弗聞東軒一席誦盤詰山藏諸

書史而恭王尋有鳳陽之黜初恭王建言有奸利譏公閻
太妃守公宮公突弗宗人思赴於帝告公代勅下廬江榮
繆王攝府事公健闢益肆力於玉策鴻寶年十八議婚公
曰否也吾日懼淵隕敢知曰余家室或以小隙誣奏令免
冠習禮公不爲動時與闕西名僧松谷者闢於內典忽一
日曰吾年已壯屢受爲何昌死白父無回可乎會世宗崩
穆宗立詔庸建言疏上痛陳進言匪躬附募之義十世斯
宥復得還繼母繼妃王氏薨服闋欽依窆婚公乃從之御
輪於何文定公瑋之孫女則公年三十五也又九年祖母
鄭懿王妃閻氏薨恭王棐孝含莫堅周四隅結蟻公左右
之循制焉其仲弟之姪悼而孤公育之代償金千餘公之
語人曰劉德居腴振餒不然昔之天族不地下笑人哉困
米數百粥於不能粥幾萬指恭王薨終厥喪歲矣已年逾
艾且八矣當嗣爵公躊躇曰祖以若木分枝以旁入繼數
徼有末眷鮒射由井谷而我何耽耽爲雖無咎吝焉徃矧
有盟津恭懿之曾孫載璽在季札子臧彼何人斯我且易
焉沮者曰至公不可疏請讓國載璽承正系也神宗下禮
部部難之因條議宗藩開科睦倫頗見褒勗則又怏怏於
讓弗諾也乃髦遜於呶水成室水許與二三日暖灌桑牧
豕隱居東復卜園鑿泄理花竹客室金酒器與僉事邢
雲路譚星歷慨古樂失傳折衷者文武舞無
幾讓流至於七畧曰立嗣以嫡立

順弗從日不詳祖懿王封時盟津在尙爲庶人父恭王龔封彼雖已故猶未復爵今既復爵後裔賢敢汨陳大倫隕越於下不敢逕避死則丕不光于前人今年薄七十幽憂抱病寧窳歷嚴穴終期不負此心而已皇帝曰宗伯汝覈我宗老顯德行母蔽朕志禮部尚書李廷機曰名利人攸重耐人攸難民之相怨一豆肉犯惡不與矧曰千乘之國日廢年歷冬則襲三世罔有弗誠世子踵徽於古惟允祖宗德殖厥高尙用述哉王旣立罔有屈於世子世孫以海者成人皇帝曰俞丙午被六日盟津恭懿王曾孫載璽進鄭王爵皇帝念之遣禮部主事潘士達獎世子暨孫錫讓國高鳳乃坊勅曰世子載璿爾克義是循罔進王爵克振綱常朕心汝爽汝嘉汝爵原爵口祿歲千石有司羊一酒一爲諸藩式爾益永令譽當是時天下無不知鄭有世子能護國云覃懷民欲尸祝公怪而拒之曰我豈以赤社土招聞也者爲我謝鄉人驚吾志矣令仲子翊欽試入泮公慧悟絕人儉恬淑均以殺生爲祭視不義若猛火采真皆媿蕭蕭塵世之外所著論學新說先天圖正誤律呂正論恐銘嗣疏毛詩韵府禮記類編金剛心經註算經程程詳考獻樂律全書二十卷神廟可之歲辛亥四月哉明後口子姪請曰勿殺生距既晚止九日乃薨年七十有六神廟間訃輟朝去籥諡之曰端清世子令有司治喪某年某月日葬九峰山之原余研古史秦伯夷齊後季札子臧闕數

千載四人已若口戲伯口重耳廟輒輩人固無良其學問
識力則先痺瀟矣使世子終奉鄭藩血食其邱德承禪豈
出傳易口沛王楚王下蓋養高心潭峻轅千古其僕侯嗜
口一切掛視國土珮玉直作保蟲一小小觀耳於此虛好
靜之趣寂不動也使知國讓斯名傳斯則世子必意遷意
遷則濶則豈能口三年口於口哉口國有盡名無盡萬世
後稱願口曰明世子若口較王祚疇爲短長又不待智者
辨已世子如何氏先薨繼王氏子長翊錫何氏出授封鄭
世子娶某氏子次翊欽授某職娶某氏女適廩生口克口
俱王氏出孫若干能詩禮庶不落厥聞銘曰口攘竭竭民
口不訖求彼肥遯叱繫於國有美世子且滋目觀孝誦虎
雖既拯用和支子不祭在廟羈穢世子曰否數倫斯頌亦
既讓止而康而番害不草草曷乃心適害潛害忘乾祿不
訶公之禮國嘗彼蝨口逼迫齊物言笑且嗟籠梅則遠古
梅則多我籠世子電雷無那葦草爲志縱適滄波宅家產
光格鬼釋罪著書用藏人宗藏地地下墨胎以遠以過海
彈斯枯石泐斯磨稽
首頌風如壽萬何

王徽墓

在城北郭

孝子王履墓

在城北十里店卽廬墓生芝處

按察司副使吳道寧墓

舊志失載何瑋爲撰墓誌

按察司副使郝綰墓

葬於義溝村後遷葬於城東關何瑋爲撰墓誌

何文定公墓

在城南郭

馬理撰神道碑口予讀孟子書見有所謂大丈夫云者謂世鮮其人及友相齋先生觀其平生

海無愧焉柏齋姓何氏諱瑋字粹夫號虛舟一號柏齋世

惟稱曰柏齋先生云其先揚州如臯人高祖諱忠一國初

從天兵北定中原遂編懷慶衛籍屯田武陟千秋鄉之頭

鋪營子孫家焉後乃居郡城忠一生貴貴生濱濱生封君

森質直不華配劉淑人成化甲午十月二十九日先生生

於營中七歲入郡城見家有彌勒佛像惡使去之十歲讀

書通大有即有宏道之志。彭氏申入河內縣學。通詩經。史郡守王瓚服其文。行字爾不名。有祝少參者。延爲塾師。先生視其子弟。驕恣不終日。而返辛酉中。河南鄉舉第一。明年會試。聯第。選入翰林。爲庶吉士。諸吉士視先生。作止以爲是非。內閣劉晦菴公。聞所學深醇。屢詔之。論學不徃。甲子授翰林編修。劉公於公所見之。謂曰。向避嫌相遠。今選授定矣。時過商。論性與天道。何如。先生始一徃。時名公髦士。專務詞章。先生獨終日窮理。講求治道。而已。謂有鳴卽許。謀攸寓丁卯。見史職廢。失奏。請修舉。不報。是年與修孝宗實錄。所作傳文。一時推直筆焉。已巳。陞修撰。奉旨教諸中官。日以僕臣正道。誨之。諸中官咸信服。曰。爲伊川先生時。中官逆瑾竊政。擅生殺。朝士揣懼。或屈膝其庭。先生接以長揖。瑾怒。使校尉日求其過。於門知先生微行。無弗可語。人者。雖童僕不戒。以孚乃易怒。爲悅。欲重用之。先生歸乞休。以歸。庚午。瑾誅。奉命復前職。人曰。而今庶無事矣。先生曰。內戎之後。必有外戎。當路宜有以備之。可也。辛未。果盜起。幾攻陷城池。海內大擾。朝求平賊之畧。先生以三事聞。一曰。禁貪墨。以肅吏治。二曰。嚴紀律。以振兵威。三曰。治財用。以固邦本。不報。復有本兵論五篇。以投內閣。亦未采。壬申。復上書。以孟子謂蚍蜉之意。語之。先生行旣峻潔。言多法語。故一時朝士畏而敬之。皆問政。問學。道亦光矣。然小畜之盛。則幾望之咎。至焉。癸酉。經筵當講。尙書先生。

具講說發蔡傳未及之旨末寓諷諫閣臣見而未安乃令
改之不可比進請言出中孚上爲改容數日旨出乃外補
開州同知去之任值編俗先生歷稽其事產爲九均法而
民平已而治河先生分程治之工省而役先休焉乙亥陞
東昌府同知清戎使伍實而不誣御史善其政行諸郡俾
取法焉久之拘於職守道不可行則再疏乞歸旣歸舍於
南邨茅廬不入城市廬陋甚先生蔬食水飲其中泰然精
紳有訪者卽鄉服以見不拜其門有未同及權力人來則
避而不見故士夫以得見爲榮有乞言者則示以道而不
譽於時四方之學者雲集其門先生因才造就而教不遠
人時東南學者因象山慈湖之學入於達摩之門先生以
爲邪說橫行充塞仁義力拒而闢之辛巳春封君卒未幾
武宗崩先生連執大喪哀毀骨立上嗣位起爲山西提學
副使先生伏次連瀕而已癸未服闋改浙江提學副使時
游士多不習經史務擬科場文字以圖進取先生下教期
經史通者與應科否則不與士習丕變甲申陞南京太常
寺少卿丙戌署南京翰林院學士事杏東郭學士代至以
前直堂隸銀餽之先生笑曰當時已得太常直堂隸銀矣
復左右望耶杏東知不可強乃用章公署勒石誌焉丁亥
夏陞本寺卿秋陞南京工部右侍郎權行尙書事議修戰
船巡船具尋底績而獎章議革內官諸監機戶及一切工
匠冗食停減諸不急工作議革織造科及停止修理南

京會試館疏入報可歲省數萬金戊子改北京工部至京
改戶部與尚書儉菴梁公同心輔政而建議草奏多出自
先生先生嘗曰興利則弊生除害則弊息故論財止言其
蠹不及生之制焉御馬監有租銀奏歸戶部徵收於是民
間重徵之害始息未幾改禮部右侍郎以直道與當路不
合卽引疾乞歸疏再上蒙俞允陞辭出京御史毛鳳韶薦
稱風節足以勵貪激懦宜留用遂改命在京調理時舟行
再乞休致尋陞右都御史掌南京都察院事至家復上疏
陳乞會欽淮致仕乃已先生家居十五年不通要地人書
書至亦不答惟與四方林下同志及門人問答講學而已
臺諫相繼論薦者累數十人戊戌太淑人卒先生先有足
疾至是祖既執喪益不可愈後連哭執友感疾彌篤癸卯
秋夜有大星西隕流光照城中如晝越三日卒是爲嘉靖
二十二年九月三十日也計甲午至是享年七十歲矣四
方人聞訃皆謂天喪哲人世道不幸多爲位哭者亂周氏
子男二光祖顯宗孫男四曰謏詢諏謀聞訃上悼惜遣官
營葬論祭者二廕其孫諸爲太學生先生官至三品而家
如寒素內無媵妾外鮮僕御雅好躬行不經著述今遺書
有陰陽樂律儒學醫學管見均備均糧二論家語家訓二
篇治河私論一篇兵論七篇皆濟物救時之文非苟作也
門人婁樞曰孟子云富貴不能淫貧賤不能移威武不能
屈此之謂大丈夫先生豈其人歟予讀孔子言曰可與適

道未可與立可與立未可與權若先生見之明而任之重
行之篤而守之固真卓然自立可與權者彼世之富貴貧
賤威武焉得而淫之移之屈之哉非大丈夫而何權亦何
謂知師非阿好者矣歲乙巳二子葬先生於城南新塋之
祖位理無似先生誤與同志故於佳城神道之石著其事
而繫以銘銘曰覃懷之城魯齋稱賢逮我聖朝柏齋出焉
其出何如矯矯其勇友親程朱師宗周孔厥宗伊何信道
不惑山或可移吾行不忒行潦無取言出可識揆厥心迹
表裏不二宮有通塞道無不亨舍則見義用乃利行富貴
不淫貧賤不移孟曰丈夫舍子其誰郡城之南建此元堂
鄉其肇祀
大河與長

山西兵備劉涇墓

舊志失載墓所

陰秉賜撰墓銘曰公占高科行山大河種
秀實多學生崇儒和齋魯齋齋氣味與諸士

際昇平臺端建明郡有仁義歸業則房與道翺翺厥後孔
良勿謂護言漢誼楚原狼戾曷隨勿謂數商孔素顏悉自
古如斯立德立功立
言允中茲銘不窮

右通政何永慶墓

在東關火神廟側

山西布政使王所用墓

舊志失載墓所

張慎言撰墓銘曰漢之孝友求長者如不及以余觀公其估之長者耶清正律已初

無刻礪自少至老貧賤守節一日謂公醇愿曲謹而烹鮮理絲民以寧謚謂公用柔德濟而剛正不阿惟惡是疾去民之賊昔人曰賢者殆不可測是耶非耶

禮部郎中楊之璋墓

在東門外

趙烈女墓

在城北二十里

國朝孝子蕭永嗣墓

舊志失載喬騰鳳表其墓

蕭家芝墓

在二十里舖東東南村之西墓前有坊

南韶鎮總兵劉國興墓

國興卒于康熙四十四年

御賜祭葬其墓在明月山麓

義鹿塚

在城南門外明萬歷間河內令侯加采有惠政及物臨行
麋鹿銜衣不食水草嗥叫而死邑民立碑道旁以紀其事

